

詩  
毛  
氏  
傳  
疏

詩毛氏傳疏卷二十五

長洲陳奐學

蕩之什詁訓傳第二十五

毛詩大雅

蕩之什十一篇九十二章七百六十九句

蕩八章章八句

蕩召穆公傷周室大壞也厲王無道天下蕩蕩無綱紀文章故作是詩也

蕩蕩上帝下民之辟傳上帝以託君王也辟君也疾威

上帝其命多辟傳疾病人矣威罪人矣天生烝民其命

匪諶靡不有初鮮克有終傳諶誠也疏

爾雅盪盪僻也盪與蕩同僻當

作辟古邪辟作辟箋蕩蕩法度廢壞之兒與辟義相近  
上帝席君王版傳同辟君釋詁文殷武天命多辟傳同  
疾威平列傳云疾病人威罪人箋疾病人者重賦斂也  
威罪人者峻刑法也辟邪辟箋云其政教又多邪辟不  
由舊章說苑至公篇夫公生明偏生暗端慝生達詐偽  
生塞誠信生神夸誕生惑此六者君子之所慎也而禹  
桀之所以分也詩云疾威上帝其命多辟言不公也三  
家詩上帝亦指君王與毛訓異義同○諶誠爾雅釋詁  
文說文作忱古諶忱通烝烝也其命匪諶即冢上其命  
多辟句言天生此天下之眾民何其政教之不誠也靡  
不有初鮮克有終所謂不誠也版靡聖管管  
不實于宣傳宣誠也版蕩二詩文義相同

文王曰咨咨女殷商傳咨嗟也曾是彊禦曾是掎克曾

是枉位曾是枉服傳彊禦彊梁禦善也掎克自伐而好

勝人也服服政事也天降滔德女興是力傳天君滔慢

也疏咨讀為茲說文咨善也嗟與善同咨茲雙聲咨嗟  
亦雙聲單言曰嗟亦曰咨象言曰咨鬢爾雅嗟咨

髮也咨髮卽茲嗟廣韻茲嗟憂聲也亦曰嗟茲茲或作  
茲綢繆傳子兮者嗟茲也咨茲茲子竝字異而義同箋  
云厲王弼謗穆公朝廷之臣不敢席言王之惡故上陳  
文王咨嗟殷紂以切刺之○傳訓彊爲彊梁禦爲禦善  
禦當也禦善卽彊梁彊與禦猶拊與克雖分釋而實同  
義繁露必仁且知篇其強足以覆過其禦足以犯詐強  
與彊通下文彊禦多懟烝民不畏彊禦左傳所稱彊禦  
已甚吾軍帥彊禦竝義同一曰彊梁墨子魯問篇彊梁  
不材莊子山木篇從其彊梁大玄彊莫不彊梁皆古有  
此語拊者伐之假借字傳以自伐釋拊以好勝人釋克  
自伐勝人二義實一意也孟子告子篇拊克在位趙注  
云拊克不良也此與傳義相通唯釋文拊克聚斂之說  
非傳義正義云釋詁服事也且在服與在位對文故知  
服政事謂非徒備官又委任之也○天君釋詁文君亦  
王也天謂之君上帝謂之君王其意一也說文牝牛徐  
行也讀若滔滔牝聲義俱近古情慢作慢慢德言其德  
教之慢卽蕩蕩之意也女女  
彊禦拊克之臣也力猶疾也

文王曰咨咨女殷商而秉義類彊禦多懟流言以對寇

攘式內傳對遂也侯作侯祝靡屈靡究傳作祝詛也屈

極究窮也

疏

秉操也義類皆善也而之言自也而秉義

傳而角自用也彼無角而自用其角此不善而自用其

善意正相同十月之交傳皇父甚自謂聖意亦同說文

懟怨也流言民之譌言也對讀與遂同皇矣江漢傳皆

訓對為遂爾雅遂遂作也是遂有作義式用也流言以

對寇攘式內此承多懟而言民多相怨則譌言羣作而

寇盜攘竊之禍用亂於內矣列女傳孽嬖篇引詩釋之

云言不善之從內出也召旻孟賊內訂傳訏潰也亦此

義也○祝讀為訓訓亦訓也傳文作祝連文成義侯作侯

讀祝詛二字以釋經之祝字則作祝連文成義侯作侯

祝侯作祝也侯維也猶有也猶云是剝是剝菹也

爰始爰謀爰始謀也通宣通畝也克裡克祀克

裡祀也匪紹匪游匪紹游也皆以弟一字為語詞第三

字為助詞此其句例屈極節南山同究窮鴻雁同靡屈

廣究言無終極無窮已也箋云王與羣臣並爭而相疑

日祝詛求其

凶咎無極已

文王曰咨咨女殷商女魚休于中國斂怨以爲德傳魚

休猶彭亨也不明爾德時無背無側傳背無臣側無人

也爾德不明以無陪無鄉傳無陪貳也無鄉士也疏魚

彭亨皆疊韻劉逵注魏都賦引詩作咆然說文繫傳作

咆哮竝同箋云魚然自矜氣健之兒易大有釋文引干

寶注云彭亨驕滿兒斂怨以爲德怨卽上章之彊禦多

懟也箋云斂聚羣不逞作怨之人謂之有德而任用之

○禮記文王世子篇記曰虞夏商周有師保有疑丞設

四輔及三公不必備唯其人語使能也書大傳古者天

子必有四鄰前曰疑後曰承左曰輔右曰弼此傳以無

背爲背無臣無側爲側無人者背謂後也不言前者文

略側謂左右也卽四鄰四輔之說也昭三十二年左傳

史墨曰物生有兩有三有五有陪貳故天有三辰地有

五行體有左右各有妃耦王有公諸侯有卿皆有貳也

此傳以陪爲陪貳者謂三公也以卿爲卿士者謂三公

中之孤卿執政之一人也韓詩外傳天子有爭臣七人

雖無道不失其天下管殷王紂殘賊百姓絕逆天道至

斷朝涉剝孕婦脯鬼侯醢梅伯然所以不亡者以其有箕子比干之故微子去之箕子執囚為奴比干諫而外然後周加兵而誅絕之故曰有謬謬爭臣者其國昌有默默諛臣者其國亡詩曰不明爾德時無背無側爾德不明以無陪無卿言文王咨嗟痛殷商無輔弼諫諍之臣而亡天下矣韓詩與毛詩同義漢書五行志中詩云爾德不明以亡陪亡卿不明爾德以亡背亡仄言上不明暗昧蔽惑則不能知善惡親近習長同類亡功者受賞有罪者不赦百官廢亂其引詩與今本誤倒晉書亦誤顏注可證也

文王曰咨咨女殷商天不湏爾以酒不義從式傳義宜也既愆爾止靡明靡晦式號式呼俾晝作夜傳使晝為

夜也疏釋文引韓詩云飲酒閉門不出客曰湏文選七

命注初學記器物部引薛君章句云齊顏色均眾寡謂之沈閉門不出客謂之湏案此析言之也渾言沈湏同義箋天不同女顏色以酒正義引鄭注酒誥云飲酒齊色曰湏鄭以顏色釋湏字本韓詩義宜烝民同箋云式法也有沈湏於酒者是乃過也不宜從而法行

之○愆過也止威儀容止也風雨傳云晦昏也呼亦號也碩鼠實之初筵傳竝云號呼也崔集注作譁漢書敘傳引詩作譁傳釋文作卑云後皆同俾訓使緣衣天保同作訓爲清人同號呼承既愆爾止句使畫作夜卽承靡明靡晦句也晏子蘧下篇晏子謂田桓子曰無客而飲謂之從酒今若子者晝夜守尊謂之從酒也與詩義正合說苑貴德篇人之闕誠愚惑失道者也詩云式號式呼俾晝作夜言闕行也此三家義荀子榮辱篇不引詩當冢上飲酒無度而言

文王曰咨咨女殷商如蜩如蟴如沸如羹傳蜩蟴也蟴

蟴也小大近嗔人尚乎由行傳言居人上欲用行是道

也內哭于中國覃及鬼方傳哭怒也不醉而怒曰哭鬼

方遠方也疏蜩蟴小弁同夏小正五月唐蜩鳴傳唐蜩者區也唐區今字皆加虫旁唐區蟴之大

者析言之也渾言之則蜩亦名唐蜩詳七月篇漢書五行志中詩云如蜩如蟴如沸如羹言上號令不順民心



虛譁憤亂則不能治海內顏注云謂政無文理虛言譁  
沓如蝴蝶之鳴湯之沸涓羹之將熟也案此謂政令之  
憤亂毛意亦然也○傳假尚爲上陟帖又假上爲尚古  
尚上聲通由訓用君子陽陽同謂厲王居乎眾人之上  
不念禮法欲用行其道是以無小大事日近卷也襄  
十四年左傳師曠曰天之愛民甚矣豈其使一人肆於  
民上以從其淫而棄天地之性必不然矣是其義也此  
言厲王之無道也說文大部彙壯大也从三大三日二  
目爲彙三目爲彙益大也一日迫也讀若易慮義詩曰  
不醉而怒謂之彙廣部彙滿也从彙聲彙彙聲義皆  
近淮南墜形注引詩作彙今隸變作吳吳爲怒不醉而  
怒傳又申說怒之義也葛覃傳覃延也鬼方與中國對  
文中國諸夏之國則鬼方爲諸夏之外史記楚世家周  
夷王時熊渠立三子康紅疵爲王及厲王彘虐熊渠畏  
其伐楚亦去其王至熊渠之孫熊勇六年而周人作亂  
厲王出奔彘案此亦厲王怒延遠方之一證稽其年歲  
尚狂諸侯叛周之前傳云鬼方遠方抑用邊蠻方傳  
湯遠也兩詩意正同與高宗伐鬼方指氏羌者異

文王曰咨咨女殷商匪上帝不時殷不用舊雖無老成

人尚有典刑曾是莫聽大命以傾疏匪非也上帝天也章也匪上帝不時言非天帝之不善是也與左傳云君與大夫不善是也句法相同般不用舊言般不用舊章耳故

文王曰咨咨女殷商人亦有言顛沛之揭枝葉未有害本實先撥傳顛什沛拔也揭見根貌殷鑒不遠在夏后

之世疏

顛讀為蹶沛讀為跋拔與跋通說文蹶跋也跋蹶也蹶跋本字顛沛假借字馬注論語里仁篇

云顛沛偃什也顛沛蓋古語傳文顛什沛拔也五字當作顛沛顛什沛拔也七字與上傳彊禦彊梁禦善也賓

之初筵傳號呶號呼呶謹也皆是統箸古語再釋占義

同一文法今傳奪顛沛二字當補正揭見根兒釋文作

根見根見者其根可見也韓子解老篇樹木有曼根有直根直根者書之所謂抵也抵也者木之所以建生也曼根者木之所以持生也若其根可見則本先撥矣傳以根見釋揭字揆下文本撥為訓韓詩外傳根淺則枝

葉短本絕則枝葉枯詩曰枝葉未有害本實先撥言禍  
福自己出也列女傳孽嬖篇引詩撥作敗字異義同○  
漢書劉向傳詩曰殷鑒不遠在夏后之世亦言湯以桀  
爲戒也聖帝明王常以敗亂自戒不諱廢興韓詩外傳  
云夫明鏡者所以照形也往古者所以知今也故夏之  
所以亡者而殷爲之殷之所以亡者而周爲之故殷可  
以鑒於夏而周可以鑒於殷引詩作鑒與監同

抑十二章三章章八句九章章十句

抑衛武公刺厲王亦以自警也

疏

抑與賓之初筵皆衛

也史記十二諸侯年表武公和元年宣王之十六年  
至平王十三年而卒衛世家武公和四十二年大戎殺周  
幽王武公將兵往佐周平戎甚有功周平王命武公爲  
公五十五年卒據史記平王始命武公爲公武公於厲  
王時未爲諸侯幽王時雖諸侯不聞爲周卿士則入相  
於周斷在平王之世入相而作賓之初筵刺幽王作抑  
刺厲王兩詩皆作於平王時而序云刺厲王者本作詩  
之意而言取殷鑒不遠之義因遂附於蕩篇後正義以

爲追刺厲王是矣正義引楚語管衛武公年九十有五  
矣有箴箴於國曰自卿以下至於師長士苟在朝者無  
謂我老耄玉舍我於是乎作箴以自儆案懿卽抑也抑爲  
假借字儆與警通武公作抑已在前老年詩作於平王之  
世其一證也序云亦以自警者與國語合賓之初筵  
韓詩序云飲酒悔過則亦爲自警而作兩詩意正同  
抑抑威儀維德之隅人亦有言靡哲不愚傳抑抑密也

隅廉隅也靡哲不愚國有道則知國無道則愚庶人之

愚亦職維疾哲人之愚亦維斯戾傳職主戾罪也疏抑抑

密爾雅釋訓文傳文廉下從正義本補隅字隅廉隅與  
靜女靜貞靜楚茨度法度同其句例箋云人密審於威  
儀抑抑然是其德必嚴正也古之賢者道行心平可外  
占而知內如宮室之制內有繩直則外有廉隅此鄭申  
毛之訓也又禮記儒行篇云近文章砥厲廉隅○國有  
道則知國無道則愚論語公冶長文傳引之以釋經靡  
哲不愚句瞻印傳哲知也厲王無道故無哲人而不愚  
也韓詩外傳比干諫而死箕子曰知不用而言愚也殺

身以彰君之惡不忠也二者不可然且爲之不祥莫大焉遂被髮佯狂而去君子聞之曰勞矣箕子盡其精神竭其忠愛見比干之事免其身仁知之至詩曰人亦有言靡哲不愚箋言賢者皆佯愚不爲容貌如不肖然蓋本韓以明毛也職主悉蟀十月之交同箋云眾人性無知以愚爲主言是其常也案鄭以是其常釋經維疾二字疾無常義疑鄭所據詩不作疾疾當爲夷字之誤也皇矣瞻卬傳並云夷常也夷戾入韻古同部疾戾古不同部爾雅戾舉也古罪舉通用箋云賢者而爲愚畏懼於罪也

無競維人四方其訓之有覺德行四國順之傳無競競

也訓教覺直也訐謨定命遠猶辰告傳訐大謨謀猶道

辰時也敬慎威儀維民之則疏無競競執競傳同昭元年左傳引詩曰無競惟

人善矣左亦以無爲發聲又哀二十六年傳引詩而釋之若得其人四方以爲主人謂得賢人烝民烈文傳皆云訓道也教道義相近禮記緇衣引詩覺作枯王注楚辭九歎訓覺爲較何注隱六年公羊傳云古者諸侯有

較德案較德卽覺德爾雅枯較直也竝字異而義同箋訓覺爲大用列女魯義姑姊傳義繁露郊祭篇釋詩訓覺爲箸皆本三家而意實相通○許訓大謨謀爾雅釋詁文成十三年左傳劉康公曰民受天地之中以生所謂命也是以有動作禮義威儀之則以定命也能者養以之福不能者敗以取禍案詩此章承首章抑抑威儀維德之隅爲言則定命當依左爲說傳訓遠猶爲遠道辰告爲時告言賢人能以遠大之道時警告之也襄三十一一年傳衛北宮文子曰詩云敬慎威儀惟民之則民所不則以在民上不可以終有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之則而象之故能守其官職保族宐家順是以下皆如是是以上下能相固也

其在于今興迷亂于政顛覆厥德荒湛于酒女雖湛樂

從弗念厥紹罔敷求先王克其明荆傳紹繼其執荆法

也

疏

箋云于今謂今厲王也邶谷風傳愷興也興與愷同義箋謂尊尚小人義亦相近顛覆厥德荒湛于

酒卽蕩篇所云天不酒爾以酒不義從式也女女厲王也民勞玉女指厲王與此同釋詞云雖維也古雖維聲通書無逸篇云惟耽樂之從文義正與此同紹繼釋詁文罔無也無不也爾雅拱執也共古拱字判法文王我將同

肆皇天弗尚如彼泉流無淪胥以亾傳淪率也夙興夜

寐洒埽廷內維民之章傳洒灑章表也修爾車馬弓矢

戎兵用戒戎作用邊蠻方傳邊遠也疏肆故今也義見

尚右也右通作祐易无妄傳天命不祐義與此同淪率

雨無正同釋詞云無發聲無淪胥以亾淪胥以亾也言

皇天弗尚禍亂日生如泉水之流滔滔不返周之君臣

將相率而底於敗亾也○洒灑山有樞同章讀同彭故

傳訓表也雨無正傳云戎兵也戒讀如左傳季氏戒都

車之戒邊遠釋詁文潛夫論勸將篇引詩作述說文述

遠也古文作邊蕩傳鬼方爲遠方意與此同案此言厲

王無道以致亾國凡長民者急宜修理內政扞禦外難

其相警戒從乚以下爲自警之詞

質爾人民謹爾侯度用戒不虞傳質成也不虞非度也

慎爾出話敬爾威儀無不柔嘉白圭之玷尚可磨也斯

言之玷不可爲也傳話善言也玷缺也疏質成天保繇

成平一義之申人民當作民人爾雅注引詩質爾民人

說苑修文篇告爾民人鹽鐵論世務篇詰爾民人皆作

者虞度也古不非同言有平治民人之責者宐皆謹女

之度以戒非度也書微子云卿士師師非度周語念前

之非度韋注云度法也竝與傳非度同○話善言版同

字當作語箋云言謂教令也柔安嘉善也玷俗胡字說

文胡缺也引詩作胡縑衣引詩作玷召旻會不知其玷

箋玷缺也玷行而胡廢矣論語先進篇南容三復白圭

江都汪中云白圭不辭今論語奪之玷二字大戴禮衛

將軍文子篇史記仲尼弟子列傳皆

云一日三復白圭之玷磨俗摩字



無易由言無曰苟矣莫捫朕舌言不可逝矣傳莫無捫

持也無言不讎無德不報傳讎用也惠于朋友庶民小

子子孫繩繩萬民靡不承疏君子陽陽傳云由用也小

由爲用苟讀如不苟皆之苟韓詩外傳云無類之說不

贊之辭君子慎之是其義傳訓莫捫爲無持者持猶止

持也說文捫無持也無持即止持逝者往也言無有止

持我之舌者則言不可徑往而不返矣說苑叢談篇云

口者關也舌者機也出言不當四馬不能追也口者關

也舌者兵也出言不當反自傷也是其義○讎由聲同

由謂之用故讎亦謂之用說文用可施行也無言不用

者言無有言而不施行也此結上文慎爾出話之意無

德不報言無有德及於民而民不報以相勸也禮記表

記子曰以德報德則民有所勸以怨報怨則民有所懲

卽引此詩○假樂傳朋友謂羣臣國語所云自卿以下

至于師長士皆是也時武公在王朝則朋友爲王朝之

羣臣矣小子謂厲王也篇中四言小子皆指厲王惠愛

也惠于朋友庶民小子言施愛道於朋友下及庶民而

上卽以告教小子也下文云子孫冢小子萬民冢庶民  
子孫厲王爲人之子孫也荀斯傳云繩繩戒愼也韓詩  
傳云承受也言爲人子孫能戒愼其德則萬民其承受  
之也釋文靡不承一本靡作是箋天下之民不承順之  
乎言承順也箋不爲靡字作解則鄭所據作是字釋詞  
云不語詞不承承也爾雅是則也萬民是不承則承順  
之矣不須加  
乎字以足之

視爾友君子輯柔爾顏不遐有愆傳輯和也相在爾室

尚不愧于屋漏無曰不顯莫予云觀傳西北隅謂之屋

漏觀見也神之格思不可度思矧可射思傳格至也疏

友君子卽上章所云朋友也輯和版同遐遠愆過也不  
發聲不遐有愆與不瑕有害句法正同此言友君子德  
加於民而能和顏遠過者皆其闇修之所昭著故下文  
卽本承事如祭之禮以考驗其德行荀子所謂行微無  
怠者也○相視也愧唐石經作媿說文愧或媿字而北  
隅謂之屋漏爾雅釋宮文傳引之以證詩屋漏之義古

者有設祭而北隅之禮特牲饋食禮佐會徹尸薦俎敦  
設于西北隅几在南屏用筵納一尊佐會闔牖戶降鄭  
注云屏隱也不知神之所往或諸遠人乎尸謾而改饌  
爲幽闇庶其饗之所以爲厭飫少牢饋食禮曰南面如  
饋之設此所謂當室之白陽厭也少牢下篇卒養有司  
官徹饋饌於室中西北隅南面如饋之設右几屏用席  
注云此於尸謾改饌當室之白屏隱也古文屏作第曾  
子問注云當室之白謂西北隅得戶明者也明者曰陽  
又云祭成人始設奠於奧迎尸於前謂之陰厭尸謾之  
後改饌於西北隅謂之陽厭奠案厭者安也西北隅爲  
神主之所安藏文二年穀梁疏云麋信引衛次仲曰宗  
廟主皆用栗祭訖則內於西壁垆中去地一尺六寸昭  
十八年左疏云每廟木主皆以石甬盛之當祭則出之  
事畢則納於甬藏於廟之北壁之內所以辟火災也引  
白虎通義納之西壁或云西壁之內所以辟火災也引  
虞禮祝反入徹設于西北隅如其設也几在南屏用席  
何休成三年公羊傳注云因新入宮易其西北角穀梁  
傳云噤主於虞吉主於練於練焉環廟壞廟之道易擔  
可也改塗可也是士虞而納主諸侯練而納主皆在廟  
室之西北隅其後常祭祭末改饌亦於此處矣爾雅屋

漏之義郭璞云未詳孫炎云屋漏者當室之白日光所  
漏入孫本鄭禮注作解舍人云古者徹屋而北扉以炊  
浴汲者訖而復之古謂之屋漏也劉熙釋名云禮每有  
親外者輒撤屋之西北隅薪以爨竈煮沐供諸費用時  
若值雨則漏遂以名之也喪大記甸人取所徹廟之而  
北扉薪用爨之疏云謂正寢爲廟神之也案此卽劉與  
舍人所本但喪大記謂新外者撤正寢而北扉隱之處  
非卽廟室中之西北隅不得混而爲一且劉以雨漏作  
解尤爲迂遠箋云屋小帳也漏隱也禮祭於奧旣畢改  
設饌於西北隅而扉隱之處此祭之末也正義謂漏隱  
釋言文今爾雅作陋漏卽陋之假借鄭意以詩之屋蓋  
依板施之形如屋也屋卽幄之假借鄭意以詩之屋蓋  
卽儀禮之席也詩之漏卽儀禮之屏也士虞疏云屏用  
席謂以席爲障使之隱箋說爲長禮記中庸篇君子之  
所不可及者其唯人之所不見乎卽引此詩是屋漏爲  
人所不見之地君子之所不可及者其用力正在此也  
傳訓觀爲見義本中庸曾子言十目所視亦此謂也○  
格至釋詁文雲漢泮水傳假至也玉篇假至也格至也  
方言假格至也邠唐冀兗之閒或曰假或曰格今說文  
彳部假至也下失去格篆矣格卽格之假借字思齊清

廟竝訓射爲厭此舉神之如在以觀友君子修誠之功  
故中庸引詩而釋之云夫微之顯誠之不可揜如此夫  
辟爾爲德俾臧俾嘉淑慎爾止不愆于儀不僭不賊鮮  
不爲則傳女爲善則民爲善矣止至也爲人君止於仁  
爲人臣止於敬爲人子止於孝爲人父止於慈與國人  
交止於信僭差也投我以桃報之以李彼童而角實虹  
小子傳童羊之無角者也而角自用也虹潰也疏也爾  
女也女爲善釋經辟爾爲德句傳爲全詩爾字通訓也  
俾使也臧嘉皆善也民爲善釋經俾臧俾嘉句淑善慎  
誠也止至泮水同止讀爲枉止于至善之至爲人君止  
於仁五句禮記大學文傳引之以釋經止字之義儀威  
儀也廣雅僭差也本毛訓淑慎爾止二句承辟爾爲德  
卽二章所云敬慎威儀也不僭不賊二句承俾臧俾嘉  
卽二章所云維民之則也昭元年左傳引詩釋之云能  
爲人則者不爲人下矣則亦法也投我以桃報之以李

二句借桃李投報以結上文無德不報之意箋云此言  
善往則善來人無行而不得其報也墨子兼愛下篇大  
雅之所道曰無言而不讎無德而不報投我以桃報之  
以李卽此言愛人者必見愛也而惡人者必見惡也鹽  
鐵論和親篇釋詩亦云未聞善往而有惡來者竝與箋  
義合○彼與上文數爾字作對文彼謂助厲王虐之人  
蕩篇之彊禦培克皆是也羊之無角者曰童宣八年公  
羊傳云而者何難也傳以自用釋經而字之義而詞之  
難也用以也自用猶言自以爲有角耳卽蕩傳彊梁禦  
善自伐勝人之義謂彼幼稚無知之人自恃其剛力改  
常易度未有不傾覆我國家者也彼童而角與眾穉且  
狂句義正同虹讀爲訏此假借字也召旻傳訏潰也爾  
雅虹潰也顧野王本作訏小子席厲王也民勞戎雖小  
子而式弘大版老夫灌灌小子蹻蹻彼兩詩小子皆席  
厲王此以下皆  
爲刺厲王之詞

荏染柔木言緡之絲溫溫恭人維德之基傳緡被也溫

溫寬柔也其維哲人告之話言順德之行傳話言古之

善言也其維愚人覆謂我僭民各有心

**疏**

巧言傳云荏染柔意也柔

木椅桐梓漆也定之方中篇樹之榛栗椅桐梓漆爰伐琴瑟然則柔木中琴瑟之木也說文云吳人解衣相被謂之緡方言云吳越之間脫衣相被謂之緡絲是緡有被義絲者八音之琴瑟也被絲猶言安弦耳傳云溫溫寬柔也也當作兒荀子注作兒小宛溫溫恭人傳溫溫和柔兒義各有當也荀子不苟篇君子寬而不侵廉而不虧辯而不爭察而不激寡立而不勝堅彊而不暴柔從而不流恭敬謹慎而容夫是之謂至文即引此詩傳以寬柔詁溫溫正用其師說南山有臺傳云基本也木被絲而適用人本德以成行其理一也○話當為詁字之誤也釋文引說文作告之詁言云詁故言也是陸所見說文據詩作詁言可據以訂正毛以古之善言釋詁許以故言釋詁古故詁三字同義也烝民古訓是式傳古故也古訓即故訓故訓猶詁言也襄二左傳引詩告之話言字亦誤上章傳云僭差也

於乎小子未知臧否匪手攜之言示之事匪面命之言

提其耳偕曰未知亦既抱子傳偕假也民之靡盈誰及

知而莫成傳莫晚也疏

王逸楚辭敘詩人怨主刺上曰嗚呼小子未知臧否匪面命之

言提其耳風諫之語于斯爲切仲尼論之以爲大雅是漢人竝謂小子庶厲王矣未知臧否卽下章所謂夢夢也示之事提其耳卽下章所謂誨爾諄諄也○偕訓假與藉同漢書霍光傳光議廢昌邑王引詩藉曰未知亦既抱子其字正作藉盈滿也靡盈言財用不滿足也莫晚東方未明同凡文易曉者不傳易曉而嫌涉它義則或傳之如莫捫之莫訓無莫成之莫訓晚一篇之中字同訓異故特箸明以別兩莫字不同義此其例也誰誰厲王也早知晚成言政教之無常也

昊天孔昭我生靡樂視爾夢夢我心慘慘誨爾諄諄聽

我藐藐

傳夢夢亂也慘慘憂不樂也藐藐然不入也匪

用爲教覆用爲虐偕曰未知亦聿既老疏耄耄也疏

爾女



厲王也爾雅釋訓夢夢亂也又僂僂愷也夢僂義相近  
此傳本爾雅夢夢為亂正月視天夢夢傳王者為亂夢  
夢然兩詩傳義正同我我親戚之臣也若召公凡芮之  
屬慘慘當作慄慄千到反慘讀七敢反則不入韻矣詳  
月出篇慄慄憂也傳云憂不樂者緣上文我生靡樂立  
訓言憂我生之不樂慄慄然也爾雅慘慘慄慄也字亦當  
作慄慄○說文諄告曉之孰也重言之曰諄諄中庸注  
作侗侗書大傳作諄諄竝與諄諄同爾雅邈邈悶也舍  
人注云憂悶也正義引爾雅作藐藐匪用為教覆用為  
虐傳所謂藐藐然不入也不入與憂悶義相因也偕曰  
未知亦事既老言假謂王年尚幼未知其道宜聽用老  
臣之言今反謂其老老而舍之是即聽我藐藐之意也  
案此章與版四章同意傳訓老為老與彼傳八十曰老  
兩詩傳義亦正同周語周景王謂伶州鳩曰爾老老矣  
知何

於乎小子告爾舊止聽用我謀庶無大悔天方艱難曰  
喪厥國取譬不遠昊天不忒回適其德俾民大棘疏舊

如率由舊章之舊曰巷厥國釋文引韓詩作  
聿古曰與聿通貳變也回通耶碑也棘急也

### 桑柔十六章八章章八句八章章六句

桑柔芮伯刺厲王也

**疏**

漢書地理志左馮翊臨晉有芮  
鄉故芮國案此周之芮在河面

與商之芮鄰於虞在河東者不同地今陝面同州府朝  
邑縣即周芮伯國書序疏引世本云姬姓厲王時芮伯  
芮良夫也文元年左傳引此篇第十三章以為周芮良  
夫之詩詩為芮良夫所作傳有明文矣又潛夫論遇利  
篇亦曰周厲王好專利芮良夫諫而不入還賦  
桑柔之詩以諷三家詩亦謂芮良夫刺厲王

菀彼桑柔其下侯甸捋采其劉瘼此下民

**傳**

興也菀茂

貌旬言陰均也劉燦燦而希也瘼病也不殄心憂倉兄

填兮

**傳**

倉巷也兄滋也填久也倬彼昊天寧不我矜

**傳**

昊天辟王者也

**疏**

興者隰桑篇隰桑有阿其葉有難傳  
阿然美兒難然盛兒有以利人也桑

葉美盛其庇陰有以利人今將采之則木葉希疏不均  
無足以庇陰是不能利人且病人矣以喻下民之病困  
由於王政之侵刻也苑訓茂苑柳同侯維也傳以陰均  
詁句祭義注陰讀爲依蔭之蔭爾雅洵均也洵徧也樊  
光本洵作洵古句聲勻聲通陰均者言依蔭徧也宣  
二年左傳舍于翳桑杜注翳桑桑之多蔭翳者義與此  
同茅苴傳將采皆訓取武傳云劉毅也謂毅削枝葉也  
釋文爆燥本又作暴樂爾雅釋詁毗劉暴樂也毛傳本  
爾雅釋經劉字而必益其義云暴樂而希者暴樂猶剝  
落卽希疏之意也爾雅釋經劉字而又必益其辭云毗  
劉者蓋毗之言庇也毅削枝葉曰劉枝葉可庇人而毅  
削之不能庇是曰毗劉樊光本毗作庇訓蔭得其理矣  
痼病四月同○於絕也倉零疊韻爲訓滋古祇作茲常  
棟召旻傳竝訓兄爲茲墳久瞻印同爾雅塵久也古墳  
與塵通箋云民心之憂無絕已零亡之道茲久長是也  
甫田傳倬明兒倬彼昊天猶抑云昊天孔昭耳昊天席  
王者瞻印同鴻雁傳云矜憐也

四牡騤騤旗旐有翩傳騤騤不息也鳥隼曰旗龜蛇曰

旄翩翩在路不息也亂生不夷靡國不泯民靡有黎具

禍以燼傳夷平泯滅也黎齊也於乎有哀國步斯頻傳

步行頻急也疏傳云駢駢不息謂馬行不息駢然也

所謂朝夕從事王事靡盬也北山篇四牡彭彭彭彭然不得息皆

語引詩韋注云駢駢行貌義同鳥隼曰旗龜蛇曰旄出

車傳同旗旄者戎車之所建也駢猶駢也韋注云駢

駢動搖不休止之意義亦同傳云駢在路不息則駢

駢不息亦在路矣釋文作偏本亦作駢案此二章及三

四章皆刺王暴虐以致衆用兵革無有止息也○夷訓

平不平即亂也成十六年左傳國人口若之何憂猶未

弭而又討我寡君以亡曹國社稷之鎮公子是大泯曹

也杜注云泯滅也是泯有滅義滅殘滅也黎齊疊韻爲

訓荀子王制篇先王惡其亂也故制禮義以分之使有

貧富貴賤之等足以相兼臨者是養天下之本也書曰

維齊非齊此之謂也管子正世篇治莫貴於得齊齊不

得則治難行故治民之齊不可不察也並與傳齊訓同

齊猶治也民靡有齊言民無有能齊之者也具俱也燼

當依釋文作蓋筴災餘曰蓋方言蓋餘也詩小學云說文作夷步行白華同行道也頻者顓之隸省說文顓涉水顓威急威義相近威與促同顓字當是顓字之假借國步斯顓言亂泯禍蓋國道其日促急也顓訓急卽是弟四章孔棘之意說文賾恨張目也引詩作賾此三家義

國步蔑資天不我將靡所止疑云徂何往傳疑定也君

子實維秉心無競誰生厲階至今爲梗傳競彊厲惡梗

病也疏版傳云蔑無也資財也四壯傳云將養也天昊

當卽疑之省假說文疑止也疑疑同聲定止同義儀禮

鄉射注疑止也爾雅疑戾也疑與戾亦雙聲義近故疑

謂之止亦謂之定猶戾謂之止亦謂之定也爾何往重言

所止戾傳戾定也文義正同徂亦往也云徂何往重言反覆之以盡其義全詩中多有此句例○君子謂古之長民者也實當作寔寔維是爲也或枉句首或在句末皆同定之方中傳云秉操也競彊烈文同無發聲抑執競傳皆云無競競也君子寔維秉心無競言君子之所

爲其操心甚彊固也孟子盡心篇云其操心也危誰誰  
屬王也屬惡正月驛印同說文病臥驚病也从寢省丙  
聲廣雅病病也梗從頁聲更從丙聲病亦從丙聲聲義  
竝同席厲王兵革不息大惡於民終見困病昭二十四  
年左傳楚子爲舟師以略吳疆吳人踵楚而過人不備  
遂滅巢及鍾離而還沈尹戌曰亡郢之始於此在矣引  
詩曰誰生厲階至今爲梗其王之謂乎杜注云梗  
病也左傳言楚王用兵亡國卽引此詩亦其義也

憂心慙慙念我土宇我生不辰逢天俾怒傳字居俾厚  
也自西徂東靡所定處多我覲瘠孔棘我圉傳圉坐也

疏正月傳云慙慙然痛也字訓居土亦居也縣傳土宇  
皆爲居土宇猶邊坐也俾與單同故單謂之厚俾亦  
謂之厚厚怒猶重怒也定止也處居也靡所定處猶言  
靡所止居耳箋云瘠病也說文云慙痛也說文有慙無  
瘠瘠有悴無瘠有惺無惺有穴無疾有寘無瘠則瘠瘠瘠  
疾瘠卽慙悴惺穴寘之或字邨柏舟觀閱旣多傳閱病  
也瘠閔義同圉坐爾雅釋詁文召旻我居圉卒荒傳亦  
云圉坐也棘急也孔棘我圉猶云我邊坐甚急耳此倒

句以就韻。○案史記秦本紀秦仲立三年周厲王無道諸侯或叛之而戎反王室滅犬丘大略之族後漢書而羌傳厲王無道戎狄寇掠乃入犬丘殺秦仲之族王命伐戎不克又東夷傳厲王無道淮夷入寇王命虢仲征之不克凡此皆厲王時所有邊坐之禍見諸史策可攷者如此箋易園作禦云甚急矣我之禦寇之事或本三家而與傳實無異也正

義以為傳箋異失之

為謀為愆亂況斯削傳愆慎也告爾憂恤誨爾序爵誰能執熱逝不以濯傳濯所以救熱也禮所以救亂也其

何能淑載胥及溺疏說文云慮難曰謀愆慎釋詁文小

用禮也況當作兄首章倉兄填兮傳云兄茲也為謀為

必亂兄斯削二句承上三章而言凡有國家者為靖謀為

也下文告爾憂恤四句冢為謀為愆言其何能淑二句

冢亂兄斯削言○爾女女厲王也恤亦憂也憂恤即指

上三章用兵禍亂之事箋訓序爵為次序賢能之爵又

天官大宰以八柄詔王馭羣臣一曰爵以取其貴注爵  
謂公侯伯子男卿大夫士也詩云誨爾序爵言教王以  
賢否之弟次也傳意當同傳云救亂宋本救作愍正義  
云以濯救熱喻以禮救亂正義作救不誤襄三十一年  
左傳衛北宮文子引詩而釋之云禮之於政如熱之有  
濯也濯以救熱何患之有案此傳所本也孟子離婁篇  
今也欲無敵於天下而不以仁是猶執熱而不以濯也  
亦引此詩孟子言仁即左傳之仁是猶執熱而不以濯也  
能行禮故箋云治國之道常用賢以申足傳意是也墨  
子尚賢中篇爵位不高則民不敬也蓄祿不厚則民不  
信也政令不斷則民不畏也故古聖王高予之爵重予  
之祿任之以事斷予之令夫豈爲其臣賜哉欲其事之  
成也詩曰告女憂邱誨女子鬱執能執熱鮮不用濯則  
此語古者國君諸侯之不可以不執善承嗣輔佐也譬  
之猶執熱之有濯也將休其手焉王念孫墨子襍志云  
鬱爲爵之譌兩字皆作女序作子誰作孰逝作鮮以  
作用所見詩有異文也善上執字衍案鄭箋及趙注孟  
子竝解經濯爲濯手與墨子合○淑善也胥相也其何  
能淑載胥及溺言今之爲政者不能以禮治國即不能  
以善治國將相入於溺也孟子苟不忘於仁終身憂



辱以陷於外韓詩外傳引此詩民歸仁君不志仁將陷民於  
造怨仇而民相殘傷和睦之心賊仁恩害土化所和者  
寡欲敗者多於仁道混焉亦引此詩溺謂民陷溺即上  
文所謂民靡有黎具禍以蓋也趙岐注孟子王肅逃毛  
竝以為君臣陷溺趙注云刺時君臣何能為善乎但相  
與為沈溺之道也王肅與趙注同鄭箋同

如彼遡風亦孔之僂民有肅心并云不逮好是稼穡力

民代會傳遡鄉僂吧并使也力民代會代無功者會天

祿也稼穡維寶代會維好疏遡鄉公劉同鄉今之向字

傳想向之也與今本異僂吧爾雅釋言文荀子禮論憊  
詭吧僂能無時至焉楊注云吧僂氣不舒憤鬱之貌單  
言僂象言吧僂故爾雅毛傳竝以吧釋經之僂也說文  
繫傳引詩作亦孔之志志本字僂假借字吧占祇作邑  
肅敬也并讀為諄說文諄使也釋文并或作并爾雅并  
使也或疑詩本作并集韻云并使也或作并遊古作平

萃通作抨而無拜字可證又爾雅抨使也郭注云皆見  
詩是三家詩有作抨也逮及也鄉風孔俊以喻民重稼  
穡穡之事而不及時者有使之然也○鄭箋於此章好是  
稼穡穡穡維寶作家嗇云居家客嗇下章稼穡卒痒始  
一作稼穡穡穡解王肅讀此章兩言家嗇為稼穡與下章稼穡  
一例則家嗇為稼穡之壞字如日子不戕王以為戕之  
壞字並與鄭訓不同今細釋經傳文義依王說作稼穡  
是也傳云代無功者會天祿釋經代會之義王肅云當  
好知稼穡之艱難有功力於民代無功者會天祿有功  
力於民釋經力民之義以述明傳意也韓詩外傳晉平  
公之時藏寶之臺燒公子晏子獨奉束帛而賀公曰自  
今已往請藏於百姓之間引詩曰稼穡維寶代會維好  
韓詩作稼穡其明證矣稼穡維寶因民之所利而利之  
也代會維好民之所好好之也欲刺王用好利之小人  
故先陳此  
告誨之詞

天降喪亂滅我立王降此蟊賊稼穡卒痒哀恫中國具  
贅卒荒靡有旅力以念穹蒼傳贅屬荒虛也穹蒼蒼天

〔疏〕

滅之滅我我中國也此即第二章亂生不夷靡國不

立王言殘滅之道本由於王也一說立古位字如小宗

伯掌神位故書位作立之比滅我立王召旻篇云我位

孔貶文義與之同也韓詩外傳里克對魏文侯曰數戰

而數勝夫差所以自喪於干遂引詩天降喪亂滅我立

王毛韓意當同也此責王之詞○蠹賊以喻貪殘之人

也正月傳痺病也思齊傳恫痛也中國國中也贅訓屬

贅屬一聲之轉如孟子屬其耆老書大傳作贅之例說

文云屬連也案傳文荒虛正義無釋則孔所據毛傳無

此訓矣具贅卒荒承上文降此蠹賊稼穡卒痺言之猶

云饑饉薦臻耳不作空虛解也召旻篇我居圉卒荒亦

承上文瘠我饑饉言之言我過竟盡饑饉亦不作空虛

解也彼箋荒虛也正義云荒虛釋詁文唯某氏本有荒

字其諸家爾雅則無之然則訓荒為虛鄭義疑後人依

鄭誤增此荒虛二字○力與上章力民代食同義北山

旅力方剛經營四方傳旅眾也靡有旅力言今無有一

力於民者也穹蒼蒼天爾雅釋天文穹窮也大也窮大

之蒼謂之穹蒼黍離傳蒼天以體言之據遠視之蒼蒼

然則稱蒼天以念穹蒼即黍離篇所云悠悠蒼天之意

也韓詩外傳云民勞思迭治暴思仁刑危思安  
國亂思天引詩靡有旅力以念穹蒼毛韓義同

維此惠君民人所瞻秉心宣猶考慎其相傳相質也維

彼不順自獨俾臧自有肺腸俾民卒狂疏惠順也秉操

訓質讀如質爾民人之質質成也弟三章云君子實維

秉心無競即此義也呂覽知度篇人主自智而愚人自

巧而拙人高注云自智謂人愚自巧謂人拙即引此詩

案高以自獨俾臧為自智自巧而以俾民卒狂為愚人

拙人傳義或然也  
瞻彼中林姓姓其鹿傳姓姓眾多也朋友已諧不胥以

穀人亦有言進退維谷傳谷窮也疏中林林中也說文

重言之則眾多曰姓姓五經文字姓色巾反見詩玉篇

兢兢眾多兒是三家詩有作兢兢者也林中之鹿姓姓

然眾多以喻賢者皆羣退而窮處假樂傳云朋友羣臣

也諧當作僭釋文本亦作僭僭差也穀善也言羣臣過

詩二十五

差不相與成於善道是不能處朝廷也○谷鞠謂之窮谷亦謂之窮韓詩外傳家石他日鳴呼生亂世不得正行劫乎暴人不得全義悲夫乃進盟以免父母退伏劍以殂其君聞之者曰君子哉安之命矣又楚申鳴曰受君之祿避君之難非忠臣也正君之法以殺其父又非孝子也行不兩全名不兩立悲夫若此而生亦何以示天下之士哉遂自刎而歾兩引詩曰進退惟谷韓詩亦謂進退兩窮與毛義同晏子問下篇晏子曰且嬰聞君子之事君也進不失忠退不失行不苟合以隱忠可謂不失忠不持利以傷廉可謂不失行叔向曰善哉詩有之曰進退維谷其此之謂與谷讀爲穀訓善與毛韓義異

維此聖人瞻言百里傳瞻言百里遠慮也維彼愚人覆

狂以喜匪言不能胡斯畏忌疏瞻言百里蓋古有此語周語古人有言曰兄弟

讒聞侮人百里韋注云百里喻遠也傳文遠慮上奪言字言遠慮者以釋經義論語衛靈公篇云人無遠慮必有近憂韓詩外傳云由此觀之聖人能知微矣即引此詩遠慮猶知微也覆反也狂即俾民卒狂之狂覆狂以

喜言使民反入於狂而猶自以喜此愚人之所爲也愚  
人謂助厲王虐者下文忍心不順貪人皆是也○匪言  
不能胡斯畏忌匪非也言非言之不能何其畏忌而不  
言也周語厲王得衛巫使監誦者以告則殺之國人不敢  
言道路以目案此卽畏忌不言之事忌猶憚也儀禮  
士虞記夙興夜處小心畏忌昭二十五年左傳爲刑罰  
威獄使民畏忌以類其震  
曜殺戮竝與此畏忌同

維此良人弗求弗迪傳迪進也維彼忍心是顧是復民

之貪亂寧爲荼毒

疏

迪進爾雅釋詁文弗求弗迪言不

忍心是顧是復此良人則無干進之志彼忍心之人惟  
是瞻顧反復無常德也上章云維此聖人瞻言百里維  
彼愚人覆狂以喜言聖人有遠慮而愚人但知自喜用  
事下章云維此良人作爲式穀維彼不順征以中垢言  
良人爲善而彼不順之人則惟闇冥是行也文義相同  
○荼苦菜因之凡苦曰茶荼毒卽是亂周語大子晉曰  
詩曰四牡騤騤旗旐有翩亂生不夷靡國不泯又曰民  
之貪亂寧爲荼毒夫見亂而不惕所殘必多其飾彌章

民有怨亂猶不可遏又荀子儒效篇凡人莫不欲安榮而惡危辱故唯君子為能得其所好小人則日徼其所惡亦引此詩是其義也周語厲王虐國人謗王召公告王曰民不堪命矣王弗聽於是國人莫敢出言三年乃流王于彘案此三年即厲王之三十七年也厲王之亡自國人故芮伯遠慮先知乃作此危激之詞寧猶胡也寧為荼毒與胡為虺蜴句同

大風有隧有空大谷傳隧道也維此良人作為式穀維

彼不順征以中垢傳中垢言闇冥也疏說文無隧字疑

記天部上引詩作遂潛夫論過利篇言是大風也必將有遂其所據詩當亦作遂可證白駒狂彼空谷傳空大也是空亦大也遂訓道道行也大風喻不順之人大風行於空大之谷猶不順之行闇冥也下章以大風喻貪人箋大風之行有所從而來必從大空谷之中喻賢愚之所行必由其性鄭意下文良人與不順之人並言故以賢愚為喻不知章義但說不順之人而連及良人猶上二章因言愚人而及聖人因言忍心之人而及良人

耳○式用穀善言良人之作為皆用以善道也穀與垢相對成義箋征行也說文垢濁也中垢者內濁不清之謂相鼠傳云無禮義者雖居尊位猶為闇昧之行闇冥即闇昧也韓詩外傳云故曰以明扶明則升于天以明扶闇則歸其人兩臂相扶不傷牆木不陷井窞則其幸也詩曰惟彼不順往以中垢闇行也毛韓義同往疑征誤之

大風有隧貪人敗類傳類善也聽言則對誦言如醉

用其良覆俾我悖傳覆反也疏貪人好利之人也史記

年好利近榮夷公芮良夫諫厲王不聽卒以榮公為卿

士用事王行暴虐侈傲國人諷王召公諫三十四年王

益嚴國人莫敢言道路以目三年乃相與畔襲厲王厲

王出奔於彘案詩貪人即指榮公之屬史記載芮良夫

諫用榮公在三十年國語亦載其事而此詩之作猶在

榮公為卿士後其去流彘之年不甚相遠類訓善敗類

為敗善善謂善人即上章所云良人也左傳秦伯曰孤

實貪以禍夫子正釋詩貪人敗類也是其義○聽言指



言二  
貪人誦言指良人王聞貪人聽從之言則對答如流而  
聞良人莊誦之言則愴然若醉酒不省人事韓詩外傳  
云古之謂知道者曰先生何也曰猶言先醒也不聞道  
術之人則冥於得失不知亂之所由眊眊乎其猶醉也  
答郭君出郭謂其御者曰子知吾且亡乎御者曰然曰  
何不以諫也御者曰君喜道諛而惡至言臣欲進諫恐  
先郭亡是以不諫也郭君作色而怒御轉其辭曰君之  
所以亡者大賢引詩曰聽言則對誦言如醉毛韓意同  
也匪猶不也良謂良人也篇中三覆一復一反字義皆  
同故云覆反也說文諄亂也悖與諄通此刺王不用良  
人而信用此好利之徒  
反使我民諄亂若是也

嗟爾朋友予豈不知而作如彼飛蟲時亦弋獲既之陰

女反予來赫

傳赫炙也

疏

此章承上四章而言王信用

朋友而嗟告之也予我也芮伯自我也作為也飛蟲喻  
眾民弋獲弋取獲獲喻貪忍即下文所謂炙也之猶是  
也蠹螬傳訓之為是此其義陰即首章傳所云陰均也  
女女民也釋文及定本集注毛傳皆作炙說文赫大火

兒赫訓炙其引申之義也炙猶侵削之也箋距人謂之  
赫鄭讀赫為莊子以梁國赫我之嚇與毛不同既之陰  
女反下來赫言我欲是庇陰女眾民乃當時執政者反  
予之志是侵削之也此推本民亂之由以生下二章之  
意

民之罔極職涼善背傳涼薄也為民不利如云不克民

之回通職競用力疏

傳以薄詰涼全詩中薄字皆語詞無實義則涼亦為語詞矣民之罔

極職涼善背罔極猶無良也職主也言民之無良唯主以違背為善也箋涼信也非傳義說文諒事有不善言諒也亦非詩義克勝也回通邪辟也言上之人為民所不利如恐不勝是以民之邪辟主彊用力而為不善也

民之未戾職盜為寇傳

戾定也涼曰不可覆背善言雖

曰匪予既作爾歌疏

戾訓定未定亂未定也民亂未定主為盜寇國語芮良夫曰匹夫專

利猶謂之盜即其義蓋篇末皆說民之作非即上章民之貪亂寧為荼毒之意王肅述毛皆主民言是也下民

禍亂若此則上之失政可知矣涼曰不可覆背善言謂民不可則反背而善言之涼曰猶薄言皆語詞無實義匪與非同非違也既猶終也爾女也女厲王也雖曰匪予既作爾歌此芮伯自明其歌詩以諷刺厲王也

### 雲漢八章章十句

雲漢仍叔美宣王也宣王承厲王之烈內有撥亂之志遇災而懼側身脩行欲銷去之天下喜於王化復行百姓見憂故作是詩也疏春秋仍叔之子穀梁傳作任叔通其地黃帝二十五子有任姓古仍任無攷

倬彼雲漢昭回于天傳回轉也王曰於乎何辜今之人天降喪亂饑饉薦臻傳薦重臻至也靡神不舉靡愛斯牲圭璧既卒寧莫我聽疏棫樸傳云倬大也舊本書鈔天部二引韓詩作對彼雲漢

注曰宣王遭旱仰天也王念孫云對當爲荊爾雅荊大也倬荊聲義皆同雲漢天河也回訓轉讀如水轉流之轉古者天子登靈臺而望書雲物備水旱故宣王於時仰望天河而憂懼旱故也○王宣王事罪也何罪今之人今之人何罪也薦藜至泉水同襄二十二年左傳作荐藜至郭注爾雅引易水荐至是薦藜即荐至也不舉不舉祭也王制山川神祇有不舉者爲不敬鄭注云舉猶祭也牲禱牲也天地用牛日月山川以下用羊圭璧禮神之玉也說文璫禱旱玉也爲龍文然則禱早有玉矣周禮大宗伯六玉用諸六宗典瑞及考工記玉人之事皆命侯常祀之圭璧而不及禱祭之玉與此圭璧異也節南山傳卒盡也徧祭羣神故云旣盡下章傳所謂索鬼神而祭之也昭十八年左傳云卜筮走望不變牲玉與此詩義正同寧胡也聽讀神之聽之之聽

旱旣大甚蘊隆蟲蟲傳蘊蘊而暑隆隆而雷蟲蟲而熱不殄禋祀自郊徂宮上下奠瘞靡神不宗傳上祭天下

祭地奠其禮瘞其物宗尊也國有凶荒則索鬼神而祭

之后稷不克上帝不臨耗斁下土寧丁我躬傳丁當也

疏正義云溫字定本作蘊釋文蘊本又作燼疑燼即溫之誤蘊即蘊之俗毛詩古字作溫謂蘊之假借字蘊

積之為溫積猶小宛箋蘊藉之為溫藉矣釋文引韓詩作鬱爾雅鬱氣也郭注云鬱然氣出蘊隆之為鬱隆猶

素冠篇蘊結之即鬱結矣傳云暑亦謂暑氣也淮南子天文篇季春三月豐隆乃出以將其雨注豐隆雷也此

豐隆謂雷聲之大詩言隆隆非大雷也箋云隆隆而雷非雨雷也雷聲尚殷然此即漢書劉向傳所謂無雲

而雷也蟲蟲爾雅作熾熾熏也郭注云旱熱熏炙人釋文引韓詩作炯炯音徒冬反眾經音義卷四引埤倉云

炯炯然熱兒廣韻引字林云熱氣炯炯用韓詩也又華嚴經音義下如來出現品之二引韓詩傳曰炯謂燒草

傳火燭盛也據此則韓詩鬱隆炯炯指燔柴祭天而言與毛說絕異廣雅炯蒸也張用韓義然釋文於鬱下云

與毛同而炯下又不詳韓義未審其實說文火部炯光也無炯字○於絕也不於不絕也爾雅眇致也郭注云

見詩傳疑此詩之異文不畛禋祀致禋祀也不發聲郭  
或據三家詩傳耳大宗伯以禋祀祀昊天上帝自郊徂  
宮自郊宮也徂語詞禮器魯人將有事於上帝必先有  
事於類宮類宮或爲郊宮觀禮祭天燔柴祭法燔柴於  
秦壇祭天也宮猶壇也月令仲夏命有司爲民祈祀山  
川百源大雩帝用盛樂鄭注云雩吁嗟求雨之祭也雩  
帝謂爲壇南郊之旁雩五精之帝配以先帝也春秋傳  
曰龍見而雩雩之正當以四月凡周之秋三月之中而  
旱亦雩雩禮以求雨因箸正雩此月失之矣天子雩上  
帝諸侯以下雩上公周冬及春夏雖旱禮有禱無雩與  
謂詩因旱而禋祀郊宮正是雩上帝之事故篇中言上  
帝言昊天言昊天上帝皆謂雩祭也箋以郊宮爲二宮  
爲宗廟徂宮爲從郊而至宗廟不知此章不及宗廟董  
仲舒引此詩二章在郊祀篇可證○傳云上帝祭天承上  
文而言下祭地祭天必兼祭地耳上下謂天地奠瘞指  
上下梁書許懋傳引毛傳云上祭天下祭地奠其幣瘞  
其物案此與今本作奠其禮不同幣謂帛也奠其幣但  
以帛爲奠而知祭天燔牲與玉之說誣也物毛物謂牲  
體也祭地而瘞其物則知埋玉之說亦誣也一說今本  
傳作禮不誤禮物二字互文奠不專指祭天而瘞則專

指祭地觀禮祭地瘞爾雅祭地曰瘞埋祭法瘞埋於秦  
折祭地也金鶚云禮運列祭祀瘞繒繒爲幣帛瘞爲帛  
則奠亦宜爲帛也祭天帛宜燔而云奠者帛必奠之而  
後燔於柴上也毛傳未嘗言牲玉孔疏以牲玉釋之非  
也郊特牲疏引韓詩內傳天子奉玉升柴加于牲上金  
誠齋辨之矣宗尊鳧鷖同廢神不宗猶云廢神不舉也  
周禮大司徒以荒政十有二聚萬民十有一曰索鬼神  
鄭司農注云索鬼神求廢祀而修之雲漢之詩所謂靡  
神不舉靡愛斯牲者也毛傳本周禮故仲師即本詩以  
爲說觀禮祭山丘陵升祭川沈大祝掌六祈四曰祭鄭  
司農注云祭日月星辰山川之祭也春秋傳曰日月星  
辰之神則雪霜風雨之不時於是乎祭之山川之神則  
水旱癘疫之災於是乎祭之杜注昭元年左傳云有水  
旱之災則祭山川之神周禮四曰祭爲管櫜用幣  
以祈福祥祭法雩宗祭水旱也鄭注云宗當爲祭字之  
誤也雩祭水旱壇也然則索鬼神其即周禮之祭祭歟  
後漢書順帝紀詔曰分禱祈請靡神不祭錢大昕攷異  
云靡神不宗之宗三家詩必有作祭者○后稷南郊配  
天收歷祀上帝又吁嗟后稷也克能也王肅謂不能福  
佑我是也臨以言降佑也繁露郊祀篇云宣王自以爲

不能乎后稷不中乎上帝故有此災中者得也不得卽  
不臨之意非謂臨爲中也而京舊儒尚知此古訓之法  
耗俗耗字繁露及玉篇禾部引詩皆作耗釋文及後漢  
書竇皇后紀注引韓詩耗惡也惡音好惡之惡箋數敗  
也六書故引作傳文非也說文燁訓敗則數卽燁字繁  
露作射古射數通其字作數其義毛當訓厭也丁當釋  
文

旱旣大甚則不可推兢兢業業如霆如雷傳推去也兢

兢恐也業業危也周餘黎民靡有孑遺傳孑然遺失也

昊天上帝則不我遺胡不相畏先祖于摧傳摧至也疏

說文推排也去猶排也小旻傳兢兢戒也恐戒義相近  
業業危爾雅釋訓文大玄差次七累卯業業懼貞安測  
曰累卯業業自危作安也是業業爲危矣召旻兢兢業  
業箋同○正義云孑然孤獨之貌言靡有孑遺謂無有  
孑然得遺漏定本及集注皆云孑然遺失也俗本有無  
字者誤也案有無字者是也小箋云靡有孑遺無孑然



遺失也失同佚孟子萬章篇引詩而釋之云信斯言也是周無遺民也靡有孑遺是無遺民之義民困饑饉餓殍無存此是極盡之詞耳方言廣雅皆云子餘也靡子遺卽無餘遺毛傳無孑然遺失其意亦同鄭箋云周之眾民多有死於者矣幸其餘無有孑遺者言又餓病也趙注云志在憂旱災民無孑然遺脫不遭旱災者非無民也鄭趙箋注乃孟子以意逆志則可不得據此以釋詩辭續溪胡紹勳四書拾義說○女曰雞鳴傳問遺也則遺亦問也畏畏天也推至釋詁文方言云推至也推楚語先祖謂文武也文武於周較后稷爲親胡不相畏先祖于推言欲覬冀先祖之神庶幾其至以救此裁耳下章云父母先祖胡寧忍子言父母先祖何竟忍子而不顧我也皆反覆其詞以著其憂裁之情

早既大甚則不可沮赫赫炎炎云我無所大命近止靡

瞻靡顧傳沮止也赫赫旱氣也炎炎熱氣也大命近止

民近死也羣公先正則不我助父母先祖胡寧忍予

傳先正百辟卿士也先祖文武爲民父母也疏沮止巧

赫盛也言旱氣之盛也說文炳旱氣也苦沃切赫煇聲相近或許本三家也大田傳炎火盛陽也火爲陽則炎

爲盛是炎炎爲熱氣之盛也爾雅炎炎熏也雜詁云無若火始燄燄燄與炎通釋文據傳熱下無氣字玉篇赫

旱也似希馮所據旱下亦無氣字止至也近止近至也列女傳續篇知天道之不祐示以大期即傳所謂民近

夙也○傳文先正上奪羣公二字百辟卿士釋經之羣公先正非以百辟卿士但釋經之先正也假樂之綱

之紀燕及朋友百辟卿士媚于天子百辟爲諸侯桑扈烝民烈文百辟同故傳意以百辟謂羣公羣公即辟公

卿士謂先正正長也書文侯之命篇亦惟先正克左右昭事厥辟鄭注云先正謂公卿大夫也又禮記緇衣篇

詩云咎丕有先正其言明且清國家以寧都邑以成庶民以生誰能秉國成不自爲正卒勞百姓此與節南山

尹氏大師秉國之均文義相同則先正爲卿士也案此詩言雩祀當祀先世之諸侯卿士在王畿內者司巫注

云雩旱祭也天子於上帝諸侯於上公之神國語說苑及五經異義皆有公侯祀百辟百神之文然則諸侯不

祀上帝而天子又得兼祀百辟卿士故月令仲夏命百縣雩祀百辟卿士有益於民者以祈穀實百縣詩正義引作百官此即天子兼祀之義箋云百辟卿士雩祀所及者鄭即本月令以申傳是矣○傳云先祖文武為民父母也九字為一句奪複句經文父母先祖四字耳正義云於民則為父母於周則為先祖故言先祖文武以其為民父母故稱父母欲見先祖父母為一故先解先祖必知先祖唯文武者以此詩所訴皆所祭之神周立七廟親廟四非受命立功不足徧訴上章已言后稷明此唯文武耳胡何也寧亦何也盤庚云乃祖乃父乃斷棄女不救乃以此即忍予之義也

旱既大甚滌滌山川

**傳**

滌滌旱氣也山無木川無水旱

魃為虐如惓如焚我心憚暑憂心如熏

**傳**

魃旱神也淡

燎之也憚勞熏灼也羣公先正則不我聞昊天上帝寧

俾我遜

**傳**

滌滌猶脩脩也中谷有推傳脩且乾也鴟鴞傳修修敝也聲義相近說文薇艸旱盡也引

詩作薇薇徒歷切玉篇引詩作薇薇云本亦作滌滌疑  
薇之譌徒歷一切正讀如滌滌之滌古攸聲叔聲皆狂  
尤幽部叔之平聲同修滌滌之爲薇薇小弁蹶蹶卽爾  
雅之驚驚其理一也傳云山無木川無水依經言也說  
文云艸旱盡依字言也艸盡則水竭可知晏子諫上篇  
大靈山固以石爲身以草木爲髮天久不雨髮將焦身  
將熱說苑辯物篇亦有斯語○後箋云藝文類聚引韋  
昭毛詩荅問曰雲漢之詩旱魃爲虐傳魃天旱鬼也據  
此似傳本作旱鬼說文魃旱鬼也卽用毛傳後漢書皇  
甫規傳注毛傳已作旱神與今本同山海經大荒之中  
有山名不句有黃帝女魃本天女也黃帝下之殺蚩尤  
不得復上所居不雨郭注魃音如旱魃之魃玉篇蚩尤  
引文字指歸云女魃禿無髮所居之處天不雨也案魃  
與魃同古者求雨以女巫其卽祓除女魃之意歟釋文  
及定本作悵正義本作炎而燎下皆無之字詩小學云  
後漢書章帝紀章懷注引韓詩如炎如焚說文云炎燎  
也蓋毛亦作炎也上文赫赫炎炎本或作悵悵是其明  
證憚讀爲痺大東小明傳皆云痺勞也勞憂勞也韓詩  
苦也箋猶畏也義竝相近說文中部鼎火煙上出也从  
中从黑中黑熏象傳以熏爲灼隨經訓也灼焦灼也○

詩述聞云聞猶恤問也與葛藟篇亦莫我聞同寧猶胡也俾當作卑寧卑我遯與胡卑我瘝句同

旱既大甚龜勉畏去胡寧瘝我以旱憺不知其故祈年

孔夙方社不莫昊天上帝則不我虞敬恭明神空無悔

怒傳悔恨也疏後漢書蔡邕傳宣王遭旱密勿祗畏無

病也召旻瘝我饑饉箋同釋文瘝韓詩作疹云重也瘝當作替替曾也言何病我以旱曾不知其何故也○噫

嘻序春夏祈穀于上帝也又月令孟冬天子乃祈來年於天宗大割祠於公社及門閭此祈年之祭也甫田以

社以方傳社后土也方迎四方氣于郊也此方社之祭也二者以言其不廢常祀也詩述聞云虞猶撫有也廣

雅曰虞有也則不我虞猶言亦莫我有也其四章曰羣公先正則不我助助猶虞也故廣雅又曰虞助也○明

神釋文作明祀本或作明神案作明神者依箋誤改箋云我心肅事明神如是益言敬祀於神如是非鄭所據

毛詩本作明神也文選張衡東京賦爰敬恭於明神李善注引毛詩作敬恭明神陸機答張士然詩駕言巡明

祀致敬在祈年江淹禘體袁大尉從駕詩恭絜由明祀  
肅駕在祈年李注又兩引毛詩作敬恭明祀可知唐時  
既有此兩本而陸江所云正用詩辭可為作明祀之確  
證北堂書鈔禮儀部九引毛詩作明祀陳禹謨本改明  
神矣此詩云明祀楚茨及信南山詩皆云祀事孔明其  
義正同敬恭明祀者即上文所謂祈年孔夙方社不莫  
也悔恨傳為全詩悔字通訓不必限於  
首見也黃公紹韻會引說文云悔恨也

旱既大甚散無友紀鞠哉庶正疚哉冢宰趣馬師氏膳

夫左右傳歲凶年穀不登則趣馬不秣師氏弛其兵馳

道不除祭祀不縣膳夫徹膳左右布而不修大夫不食

梁士飲酒不樂靡人不周無不能止傳周救也無不能

止言無止不能也瞻印昊天云如何里疏說文散禘肉

襍亂之義假樂之綱之紀燕及朋友傳朋友羣臣也天  
子燕飲羣臣自有一定之綱紀汪龍詩異義引周禮掌

詩二十五

七

客凡禮賓客凶荒殺禮爲此章傳義與假樂篇義合  
竊謂此云友即朋友友紀即網紀與假樂同而用義自別  
散無友紀者言朋友本有一定之網紀今爲凶荒各自  
殺禮是即無友紀也散者即無友紀之謂非謂天子燕  
羣臣而凶荒殺禮也歲凶年穀不登以下皆傳釋散無  
友紀之義禮記曲禮下篇歲凶年穀不登君膳不祭肺  
馬不食穀馳道不除祭事不縣大夫不食梁士飲酒不  
樂襄二十四年穀梁傳大侵之禮君食不兼味臺榭不  
塗弛侯廷道不除百官布而不制鬼神禱而不祀此大  
侵之禮也此與毛傳詳略不同或毛公兼引禮記穀梁  
傳隨經作訓抑別有成文不可攷也○鞫窮也庶眾正  
長謂六官之長也疾本或作次次貧也此家宰爲宰夫  
與周禮大宰不同大宰在庶正之中則冢宰爲其屬矣  
十月之交家伯維宰鄭司農以爲宰夫趣馬師氏膳夫  
已見十月之交篇左右統大夫士而言也鞫哉灾哉即  
下章昭假無斃之意其所以既鞫且灾者爲諸臣助王  
憂哉出祿餼以振貸飢饉之黎民即以起下文靡人不  
周無不能止也周讀與救同論語雍也篇君子周急不  
繼富孟子萬章篇君之於氓也固周之周皆救也箋易  
周爲踴踴字見周禮鄉師職調萬民之羣阮鄭司農云

調讀為周急之周大司徒職五黨為州使之相調杜子  
春云調當為糾案周調古今字故先鄭杜皆不從調許  
君作說文亦不錄調毛詩多古文祇作周為救之假借  
字不必改調也止猶已也王肅述毛云無不能而止者  
其發倉廩散積聚有分無多分寡無敢有不能而止者  
言上下同也○箋云里憂也十月之交傳云里病也憂  
病同義釋文本亦作瘳說文  
有悝無瘳里為古文假借字

瞻印昊天有嘒其星傳嘒眾星貌大夫君子昭假無羸

傳假至也大命近止無棄爾成何求為我以戾庶正傳

戾定也瞻印昊天曷惠其寧疏正義云以嘒文連星故

傳亦但云星兒無眾字釋文有眾字小星嘒彼小星傳

云嘒微兒小星眾無名者說文嘒小聲也引詩有嘒其

星蓋微小者必眾多玉篇嘒眾星兒與此傳同而其字

作嘒未詳○假讀為假方言說文皆云假至也泮水同

爾爾大夫君子也王肅云大夫君子公卿大夫也昭其

至誠於天下無敢有私羸之而不數散大夫君子所以



無私贏者以民近从凶當賑救之以全汝之成功案王  
說申毛是也我宣王自我也戾定兩無正桑柔同何求  
為我以戾庶正言今我求雨何獨為我躬亦欲以定庶  
正救裁之成功而已宣王初年在廷諸臣若尹吉甫仲  
山甫召虎方叔之倫俱在庶正之列必有助王祈禱振  
救之者故詩末二章皆言其諸臣勤勞可想見宣王初  
年君與臣一德愛念百姓雖承厲之亂而復箸中興此  
序所謂百姓見憂也○惠愛也寧安也言君臣愛百姓  
如此天何不愛而安之瞻印云瞻印  
昊天則不我惠孔填不寧降此大厲

崧高八章章八句

崧高尹吉甫美宣王也天下復平能建國親諸侯褒賞

申伯焉疏

申申侯也申伯者申侯受命為侯伯也篇中  
所敘命召伯城謝以及錫命之美饒禮之盛

人國之喜樂申侯為侯伯不為二伯鄭箋謂申伯以賢  
入為周卿士則申侯兼二伯之職矣鄭說非也此詩當  
作於采芑南征之後  
在宣王中興初年

崧高維嶽駿極于天維嶽降神生甫及申傳崧高貌山

大而高曰崧嶽四嶽也東嶽岱南嶽衡西嶽華北嶽恆

堯之時姜氏爲四伯掌四嶽之祀述諸侯之職於周則

有甫有申有齊有許也駿大極至也嶽降神靈和氣以

生申甫之大功維申及甫維周之翰傳翰幹也四國于

蕃四方于宣

疏崧禮記及韓詩外傳初學記引詩皆作崧山大而高曰崧爾雅釋山文釋文崧

又作嵩嵩卽崇之或體崧俗字也漢人以大室爲崇高

山應劭風俗通義遂誤以詩之嵩高爲中嶽矣經言嶽

傳言四嶽書堯典云歲二月東巡守至于岱宗柴望秩

于山川肆覲覲東后五月南巡守至于南岳如岱禮八月

而巡守至于西岳如初十有一月朔巡守至于北岳如

而禮案嶽岳一字天子巡守四方見諸侯於嶽下四方

故四嶽般序巡守而祀四嶽河海也傳高山四嶽也二

傳義同云東嶽岱者禹貢海岱惟青州海岱及淮惟徐

州青東至海而至岱徐東北至岱南至淮是岱在禹貢  
徐二州界中職方氏河東曰兗州其山鎮曰岱山周之  
岱并入於兗矣山名曰岱岱爲四嶽之長故尚書謂之  
岱宗在三嶽之東故爾雅謂之東嶽亦爲域中山之最  
大故闕宮謂之大山漢書地理志泰山郡博岱山在而  
北今在山東泰安府附郭泰安縣北五里漢博縣地此  
東嶽也云南嶽衡者禹貢荆及衡陽惟荊州荊北及荆  
山南至衡山之陽職方氏正南曰荊州其山鎮曰衡山  
周以漢北爲豫漢南爲荆而南及衡陽與夏同也地理  
志長沙國湘南禹貢衡山在東南南荊州山今在湖南衡  
州府衡山縣西北三十里漢湘南縣地此南嶽也漢以  
霍山爲南嶽故漢人皆舉霍山廣雅天柱謂之霍山岫  
嶽謂之衡山雅讓釋五嶽舉霍山而衡山不列於五嶽  
據漢而言云西嶽華者禹貢華陽黑水惟梁州而傾朱  
圉鳥鼠至于大華華卽大華也梁東自河而之華而北  
至于黑水周無梁州而以蟠冢之東并入豫州岷山之  
南并入雍州故華山在豫州職方氏河南曰豫州其山  
鎮曰華山地理志京兆尹華陰大華山在南豫州其山  
志不云梁州山以大華在雍陰之閒故不從禹貢而從  
職方矣後漢華陰屬弘農郡今在陝西同州府華陰縣

縣南十里此面嶽也云北嶽恆者禹貢大行恆山在冀  
州域內恆水所出也職方氏正北曰并州其山鎮曰恆  
山地理志常山郡上曲陽恆山在西北并州山禹貢恆  
水所出東入滹今在直隸定州曲陽縣西北并州山禹  
漢置上曲陽縣此北嶽也漢遼文帝諱改恆山爲常山  
○周語云堯用伯禹其之從孫四嶽佐之胙以天下賜  
姓曰姒氏曰有夏胙四嶽國命爲侯伯賜姓曰姜氏曰  
有呂此一王四伯唯能釐舉嘉義以有肩在下守祀不  
替其典案傳義正本國語四伯主掌四嶽之祀述諸侯  
之職堯之時炎帝後姜姓爲之伯夷其一伯也堯之四  
伯猶周之二伯下泉傳諸侯有事二伯述職周制分天  
下以爲左右二伯分主東面以領八州之方伯左伯率  
東方諸侯右伯率西方諸侯此二伯述職也堯時以四  
伯掌四嶽分主東西南北以領十二州之牧伯行述職  
之事則四伯自在王官故堯典帝曰咨四岳咨四伯也  
咨十有二牧咨十二州之牧伯也正義謂四嶽如牧伯  
誤矣傳云於周則有甫有申有齊有許也者周語云齊  
許申呂由大姜又云申呂雖衰齊許猶在此亦傳義所  
本也甫卽呂呂爲姜姓始封之國申亦夏商舊國齊許  
則皆周封之國宣王之世四國猶存詩言錫命申伯耳

申甫連言猶之申呂連言而傳又連及齊許更推廣之  
申之先祖主嶽之祀自堯迄周歷千餘年傳乃撥下生  
申句以發明篇端高嶽之義也駿大極至所謂高也○  
神神靈也云嶽降神靈和氣以生申甫之大功者傳又  
揆下四句立義于蕃于宣卽其大功也鄭注孔子閒居  
篇甫申爲仲山甫及申伯仲山甫樊侯也後漢書張衡  
傳申伯樊仲實榦周邦此皆三家異說而榦之爲榦義  
則同也四國于蕃四方于宣于爲也言爲蕃四國爲宣  
四方也箋云四國有難則往往扞禦之爲  
之蕃屏四方恩澤不至則往宣暢之

亶亶申伯王纘之事于邑于謝南國是式傳謝周之南  
國也王命召伯定申伯之宅登是南邦世執其功傳召

伯召公也登成也功事也

疏

文王傳亶亶勉也王宣王

任也中庸踐其位踐或爲纘此纘踐聲通之理潛夫論  
引詩作薦聲亦近韓奕云王親命之纘戎祖考無廢朕  
命文義正同○說文邑國也古邑國通稱于邑于謝言  
爲國於謝也周禮以東都王畿爲土中在東畿之南故

傳以謝爲周之南國鄭語史伯曰當成周者南有申呂  
是也此傳云謝周之南國也黍苗傳云謝邑也謝本爲  
周南國之邑至宣王之世遷都於此傳意可互見也潛  
夫論志氏姓篇申城在南陽宛北序山之下故詩云疊  
疊申伯王薦之事于邑于序南國爲式古謝序聲通蓋  
謂宣王封申伯於序在今漢南陽郡宛縣北序山之下  
也漢人又謂之北筮山漢書地理志南陽郡宛縣申伯  
國有屈申城縣南有北筮山然則漢宛縣申伯故國縣  
南有北筮山此卽宣王所封之謝較舊都近南謝在宛  
縣南不在宛縣北矣顧祖禹方輿紀要云河南南陽府  
南陽縣附郭周申國宛縣今府治又云申城府北二十  
里括地志南陽縣北有申城周宣王舅所封此由誤讀  
潛夫論以宛北連文遂謂申城在南陽縣北顧氏實沿  
括地志之謬又紀要南陽府唐縣謝城相傳周申伯徙  
封于此又河南信陽州羅山縣縣西北六十里有謝城  
古申伯所都劉昭注續志引荊州記棘陽縣東北百里  
有謝城水經泚水注謝水出謝城北城周迴側水申伯  
之都世祖封樊重少子爲謝陽侯卽此朱右曾以爲此  
皆世本所云任姓之謝或在此以爲申伯之都非是南  
國是式猶下章云式是南邦也箋云式法也○傳以召

伯為召公者謂召伯為天子之三公出為二伯也召公  
 召穆公也宅居也烝民王命仲山甫城彼東方傳東方  
 齊也古者諸侯之居逼隘則王者遷其邑而定其居蓋  
 去薄姑而遷於臨菑也彼詩言宣王命仲山甫為齊遷  
 邑定居與此詩言宣王命召穆公為申遷邑定居皆是  
 建國親侯之美政小雅黍苗篇正言其事登成爾雅釋  
 詁文黍苗云召伯成之又云召伯有成是其義也  
 宣十二年穀梁傳云績功也功事也與傳訓同

王命申伯式是南邦因是謝人以作爾庸庸城也王

命召伯徹申伯土田傳徹治也王命傳御遷其私人傳

御治事之官也私人家臣也疏爾雅仍因也因亦通訓

讀為壩古文假借字皇矣韓奕良耜傳皆云壩城也徹  
 治公劉同江漢錫山土田傳諸侯有大功德賜之名山  
 土田附庸此言土田者亦宣王之所錫也○書牧誓篇  
 我友邦冢君御事司徒司馬司空孔傳云治事三卿大  
 誥酒誥梓材召誥雒誥等篇言御事皆為諸侯治事之  
 臣此傳以治事之官釋經文之御正與書義合也臣工

嗟嗟臣工嗟嗟保介傳工官也凡大國三卿命於天子  
皆有職司於王室故天子得以敕之命之傳御猶保介  
也諸侯之上大夫卿亦兼孤故春秋陽處父爲大傅士  
會將中軍爲大傅箋以傳御謂冢宰正義用箋申傳失  
之私人卽傳御之私人傳御爲諸侯之臣故傳以私人  
爲家臣矣禮記玉藻大夫私事使私人摛則稱名鄭注  
云士臣於大夫者曰私人儀禮士相見注云家臣稱私  
有司微注云私人家臣己所自謁除也大夫言私人明  
不純臣也此皆私人爲大夫家臣之證正義謂申伯私  
家之臣亦失之十月之交云皇父孔聖作都于向擇三  
有事直侯多藏擇有車  
馬以居徂向文義相同

申伯之功召伯是營有倬其城寢廟旣成旣成藐藐

倬作也藐藐美貌王錫申伯四牡躋躋鉤膺濯濯

躋壯貌鉤膺樊纓也濯濯光明也

疏

倬作爾雅釋詁文

始而此倬訓作者有倬其城猶上章云以作爾庸也縣  
傳君子將營宮室宗廟爲先廢庫爲次居室爲後故作



城必及寢廟也貌貌美亦釋詁文說文作𡵚重言之曰  
𡵚𡵚通作貌貌既成貌貌句束上起下文皆言召伯  
定宅之事下文則敘申伯入謝也○泮水傳其馬蹇蹇  
言彊盛也壯即彊盛之義韓奕言王錫韓侯有鉤膺皆  
所以錫命侯伯也鉤膺樊纓采芑同說詳采芑篇云濯  
濯光明也者路車之樊以纓為飾光明言其飾也周禮  
巾車金路鉤樊纓以賓同姓以封此錫申伯鉤膺或於  
賓饗用之故下章遣申伯路車為封異姓之象路與

王遣申伯路車棗馬傳棗馬四馬也我圖爾居莫如南

土錫爾介圭以作爾寶傳寶瑞也往迓王舅南土是保

傳迓已也申伯宣王之舅也疏棗馬四馬即承上章之

出祖其贈維何棗馬路車文義相同郭注爾雅引詩介  
作玠說文玠大圭也介與玠通考工記玉人之事命圭  
九寸謂之桓圭長發傳桓大也介與桓並有大義公所  
執桓圭於鎮圭為小而視信圭躬圭則為大王肅云桓  
圭九寸諸侯圭之大者所以朝天子是也故桓圭亦稱  
介圭矣命申伯錫介圭與韓奕介圭以人觀皆是上公

九命作伯之禮爾雅珪大尺二寸謂之玠爾雅玠圭卽天子之鎮圭與詩介圭不同箋乃誤合爲一耳春官大宗伯稱公執桓圭居六瑞之一此卽傳訓實爲瑞之義也○近各本作近今訂正小箋云近已也己與忌同大叔于田傳曰忌辭也此傳謂近者己之假借箋申之曰己辭也讀如彼記之子之記王風彼其之子箋曰其或作記或作己讀聲相似鄭風鄭箋曰忌讀如彼己之子之己蓋其記己忌近五字同詞之助也已作戊己字今本毛詩此及王風鄭風作已止字誤又鄭釋毛云已辭也今本仍作近誤經傳近誤作近則自唐然矣惟宋廖氏本作近與案箋近辭也辭當作詞此亦申毛不必改已字往近王舅言王舅往耳近爲句中語助詩曰王舅曰王之元舅故知申伯爲宣王之舅也宣王之母姜姓於傳無聞

申伯信邁王饒于鄧傳鄧地名申伯還南謝于誠歸王

命召伯徹申伯土疆以峙其粳式遄其行疏再宿曰信鄧地名傳

不詳其所任箋云時王蓋省岐周故于鄧云江漢篇于周受命箋岐周之所起爲其先祖之靈故就之是宜

王命召公必於岐周則其命申伯亦猶然也鄧在岐周之南故受命還謝爲所餞道矣地理志右扶風鄧縣今據方輿紀要鄧縣在陝而鳳翔府東南百四十里而故鄧城在縣東北十五里岐山縣在府東五十里而岐陽廢縣在縣東北五十里以此覈之則鄧地在岐周之南相去不過五六十里古者餞必在近郊也箋云還南者北就王命于岐周而還反也謝于誠歸誠歸于謝也○釋文時本又作峙爾雅峙具也峙乃峙之俗又粃糧也郭注云今江東通言粃案此仍篆上四章命召伯宅而以敘申伯載糧就道也下章正言歸謝之事

申伯番番既入于謝徒御嘽嘽傳番番勇武貌諸侯有

大功則賜虎賁徒御嘽嘽徒行者御車者嘽嘽喜樂也

周邦咸喜戎有良翰不顯申伯王之元舅文武是憲傳

不顯申伯顯矣申伯也文武是憲言有文有武也疏爾雅

釋訓番番勇也傳乃益其義云勇武秦晉番番良士孔傳云勇武番番之良士義與此同番番與嘽嘽並指從

申伯入謝者說故傳又申繹勇武爲虎賁之士也魯語  
天子有虎賁習武訓也諸侯有旅賁禦災害也又楚語  
衛武公在輿有旅賁之規是諸侯有旅賁也天子有虎  
賁又有旅賁諸侯但有旅賁有大功則賜虎賁周禮序  
官虎賁氏下大夫二人虎士八百人旅賁氏中士二人  
鄭注云不言徒曰虎士則虎士徒之選有勇力者是虎  
賁與虎賁氏不同虎賁氏官名也虎士卽虎賁也繁露  
爵國篇公族賢者爲州方伯錫斧鉞置虎賁百人書大  
傳有功者天子一賜以車服弓矢再賜以鬻鬯三賜以  
虎賁百人號曰命諸侯命諸侯得專征者鄰國有臣弑  
其君擊代其宗者弗請于天子征之而歸其地于天子  
可也說苑修文篇與大傳同左傳襄王策命晉侯爲侯  
伯賜之虎賁三百人案此卽元戎十乘之制也司馬法  
革車一乘士十人徒二十人甲士十人十乘則虎賁百  
人兼車徒二十人十乘則虎賁三百人其制一也旣入  
于謝楚辭七諫注引詩謝作徐或三家字通而遂誤以  
徐偃王爲申伯後也徒徒行者御車者黍苗同故傳  
訓亦同采芑常武嘽嘽傳訓眾盛此云喜樂者揆下文  
周邦咸喜而釋之也樂記云其樂心感者其聲嘽以緩  
又云嘽諧慢易繁文簡節之音作而民康樂是嘽嘽有

喜樂之義○戎大也翰即首章云維周之翰也翰餘也  
不顯申伯與於赫湯孫句同不於皆發聲元舅大舅也  
憲法也文武是憲言申伯既有文德又有武功足為法  
於天下也六月傳有文有武二傳意同僖三十年左傳  
周公閱曰國君文足昭也武可畏也則有備物之  
譽以象其德薦五味羞嘉穀鹽虎形以獻其功

申伯之德柔惠且直揉此萬邦聞于四國吉甫作誦其

詩孔碩其風肆好以贈申伯傳吉甫尹吉甫也作是工

師之誦也肆長也贈增也疏柔安也惠順也小明傳正

韓奕訓庭為直即本此且直為訓說文無揉字釋文揉

本亦作柔箋云四國猶言四方也○是詩尹吉甫所作

故傳云吉甫尹吉甫也序箋云尹官氏潛夫論志氏姓

篇亦云尹者本官名也詳常武篇云作是工師之誦也  
者以釋經作誦之義是是詩也烝民箋吉甫作此工歌  
之誦作誦猶言作歌也潛夫論三式篇周宣王時輔相  
大臣以德佐治亦獲有國故尹吉甫作封頌二篇疑三  
家詩此及烝民誦作頌字碩大也肆訓長長讀上聲烝

民穆如清風傳清微之風化養萬物者也二傳義同贈  
增正義崔集注本皆同其詩孔頴句是吉甫自陳作誦  
之意其風肆好句是美申伯之美  
詞崔靈恩云增益申伯之美

### 烝民八章章八句

烝民尹吉甫美宣王也任賢使能周室中興焉

天生烝民有物有則民之秉彝好是懿德傳烝衆物事

則法彝常懿美也天監有周昭假于下保茲天子生仲

山甫

傳仲山甫樊侯也

疏

烝衆東山同禮記大學云物

又云致知在格物物格而后知至樂記云人生而靜天之性也感於物而動性之欲也物至知知然後好惡形焉蓋已形之好惡物在情一過未形之好惡物在性一過物之本即事之始也則法六月同彝常爾雅釋詁文孟子告子篇及潛夫論德化篇引詩作夷皇矣瞻印皆假夷爲彝懿與抑聲通皆有美義故全詩多假抑爲懿

也孟子言性善以才之善仁義禮智之心為說引詩曰天生蒸民有物有則民之秉夷好是懿德孔子曰為此詩者其知道乎故有物必有則民之秉夷也故好是懿德案孟子引孔子釋詩以證性善不涉情一邊也物即才也則即仁義禮智也有是才必有是仁義禮智此之謂有物有則俱就性一邊說毛傳訓物為事事與才同聲同義意以才訓物恐人不易曉故謂物為事文王篇上天之載無聲無臭傳載事也兩事字義同法猶範也毛傳多引孟子文此毛意亦必用孟子義也常德性也民之秉好性善也韓詩外傳引詩而釋之云言民之秉德以則天也詩上二句天命之謂性下二句率性之謂道也故孔子以為知道矣趙岐注孟子用韓詩而以人法天解有則句誤用韓義○監視也假至也保茲天子生仲山甫言由天保之自天生之也韓詩外傳云子曰不知命無以為君子言天之生之也韓詩外傳云子曰無之心不知天之所以命生則無仁義禮智順善之心無仁義禮智順善之心謂之小人故曰不知命無以為君子小雅曰天保定爾亦孔之固言天之所以仁義禮智保定人之甚固也觀韓詩可以明保生之義矣○傳云仲山甫侯樊國侯爵東都畿內諸侯入為天子卿士

者也國語稱樊仲山甫又稱樊穆仲仲山甫字穆仲諡國語陽有樊仲之官守焉陽左傳作陽樊又作南陽服虔云樊仲山之所居故名陽樊潛夫論志氏姓篇云封於南陽南陽者在今河內郡國志河內郡修武故南陽方輿紀要云河南懷慶府濟源縣西南十五里陽城古陽樊也案樊在東畿河北故曰陽樊在晉國之南故又曰南陽又地理志南陽郡宛縣申伯國潛夫論宛而三十里有呂城呂或作甫故鄭注禮記以仲山甫爲甫侯蓋三家詩誤以樊封之南陽卽在漢之南陽郡耳

仲山甫之德柔嘉維則令儀令色小心翼翼古訓是式

威儀是力天子是若明命使賦傳古故訓道若順賦布

也

疏

德懿德也二章卽承上章民之秉彝好是懿德言仲山甫有此美德也柔安嘉美儀容儀色顏色文

王傳云翼翼然恭敬也成十三年左傳云劉子曰民受天地之中以生所謂命也是以有動作禮義威儀之則以定命也能者養以之福不能者敗以取禍正與詩義同○古故日月同訓道烈文同古故訓道皆釋詁文也



列女傳賢明篇引詩作故箋云故訓先王之遺典也說文云古故也从十口識前言者也訓說教也字又作詁抑傳云詁言古之善言也古故詁三字同式用也法也周語樊穆仲說魯侯曰賦事行刑必問於遺訓而咨於故寔然則仲山甫能用法古訓者矣箋云力猶勤也勤威儀者恪居官次不解于位也若順釋言文閱宮同賦讀為敷小旻傳云敷布也

王命仲山甫式是百辟續我祖考王躬是保傳戎大也

出納王命王之喉舌傳喉舌冢宰也賦政于外四方爰

發疏仲山甫天子之二伯也式是百辟為天下諸侯作式王制所謂八伯各以其屬屬於天子之考是也

韓奕續我祖考傳云戎大也○喉舌冢宰謂喉舌乃冢宰之職非謂喉舌為官名也冢宰即周禮之天官冢宰與書納言不同官也唐虞納言周為內史漢為大司農王莽更為納言非冢宰也漢尚書為少府屬官後漢以太傅上公錄尚書事故後漢書李固傳云今陛下之有尚書猶天之有北斗也斗為天喉舌尚書亦為陛下喉

舌斗斟酌元氣運平四時尚書出納王命賦政四海李  
固謂尚書權尊執重俗用詩喉舌之義而與傳云冢宰  
究是不同魏志王肅傳疏云屠虞納言猶今尚書也以  
出內帝命而已漢成帝始置尚書五人公卿尚書各以  
事進亦與傳異

肅肅王命仲山甫將之傳將行也邦國若否仲山甫明

之既明且哲以保其身夙夜匪解以事一人疏將訓行

也明明命也韓詩外傳云牧者所以開四目通四聰也  
引詩曰邦國若否仲山甫明之是其義牧即周禮九命  
作牧也○漢書董仲舒傳云彊勉學問則聞見博而知  
益明彊勉行道則德日起而大有功詩曰夙夜匪解書  
云茂哉茂哉皆彊勉之謂也又云周道衰於幽厲至于  
宣王思咎先王之德興滯補弊明文武之功業周道粲  
然復興詩人美之而作上天祐之爲生賢佐後世稱誦  
至今不絕此夙夜不解行善之所致也董說與第六章  
合傳義

人亦有言柔則茹之剛則吐之維仲山甫柔亦不茹剛

亦不吐不侮矜寡不畏彊禦

疏方言云茹食也矜當作

詩作矜寡彊禦漢書王莽傳作彊圉圉與禦通

人亦有言德輶如毛民鮮克舉之我儀圖之

儀宜也

維仲山甫舉之愛莫助之

傳愛隱也衮職有闕維仲山

甫補之

傳有衮冕者君之上服也仲山甫補之善補過

也

疏四職傳云輶輕也惠棟易微言云如毛猶微也荀

也唯所居以其類至操之則得之舍之則失之操而得之則輕輕則獨行獨行而不舍則濟矣楊倞注云持至誠也而得之則易舉也詩曰德輶如毛又彊國篇曰積微月不勝日時不勝月歲不勝時凡人好放慢小事大事至然後興之務之如是則常不勝夫敦比於小事者矣是何也則小事之至也數其繇日也博其爲積也大

大事之至也希其縣日也淺其爲積也小故善日者王  
善時者霸補漏者危大荒者亡故王者敬日霸者敬時  
僅存之國危而後滅之亡國至亡而後知亡至外而後  
知外亡國之禍敗不可勝悔也霸者之善著焉可以時  
託也王者之功名不可勝日志也財物貨寶以大爲重  
政教功名反是能積微者速成詩曰德輶如毛民鮮克  
舉之此之謂也楊倞注云引之以明積微至箸之功案  
儀當爲義釋文云毛作義鄭作儀則陸所據本作義矣  
蕩傳義空也訓同○爾雅夢隱也郭注云見詩或三家  
詩作夢矣靜女愛而不見說文作倭郭注方言作夢說  
文夢蔽不見也玉篇夢隱也竝字異而義同愛爲古文  
假借字凡隱蔽謂之愛隱微亦謂之愛傳訓愛爲隱爾  
雅隱微也說文微隱行也言仲山甫能舉積微之德隱  
行而莫能助也荀子解蔽篇處一之危其榮滿側者一  
之微榮矣而未知故道經曰人心之危道心之微危微  
之幾惟明君子而後能知之又云夫微者至人也至人  
也何疆何忍何危故濁明外景清明內景聖人縱其欲  
兼其情而制焉者理矣夫何疆何忍何危故仁者之行  
道也無爲也聖人之行道也無疆也仁者之思也恭聖  
人之思也樂此治心之道也又堯問篇堯問於舜曰我

欲致天下為之柰何對曰執一無失行微無怠忠信無  
勸而天下自來執一如天地行微如日月忠誠盛於內  
資於外形於四海天下其在一隅邪夫有何足致也竝  
與傳愛隱之義合易微言云毛公用師說故訓愛為隱  
鄭氏不明古義改訓為惜七十子衰而大義並康成大  
儒猶未免矣○衮詳九罍篇經言衮傳言衮冕衮為衣  
冕為垂九旒是君之最上服也衮職司隸校尉魯峻碑  
作緄職玉篇緄緄成章也本三家詩義周禮典同鄭大  
夫讀緄為衮冕之衮此衮與昆聲相通之證宣二年左  
傳士季曰詩曰衮職有闕惟仲山甫補之能補過也君  
能補過衮不廢矣案晉靈公繼文襄之業主盟中夏為  
周之上公是靈有衮矣故云能補過衮不廢傳所本也  
衮職謂臣職也有闕補  
之即菱隱莫助之意

仲山甫出祖四牡業業征夫捷捷母懷靡及傳言述職

也業業言高大也捷捷言樂事也四牡彭彭八鸞鏘鏘

王命仲山甫城彼東方傳東方齊也古者諸侯之居通

隘則王者遷其邑而定其居蓋去薄姑而遷於臨菑也

**(疏)**出祖祭道神仲山甫以豕宰而出祖故云言述職也

事有功德於民者加地進律故下文言城齊而遷邑定

居也○業業猶奕奕此及采薇云四牡業業車攻韓奕

云四牡奕奕爾雅業大也奕大也業奕一語之轉故大

謂之業重言曰業業猶大謂之奕重言曰奕奕矣采薇

傳業業然壯也高大者壯之意壯亦大也征夫行人傳

義見皇皇者華篇小雅歌文王爲而伯率諸侯而朝聘

平紂征夫謂諸侯之使臣此言仲山甫爲二伯方岳述

職亦必有當方諸侯使臣馳驅周咨之事文義正相同

云捷捷言樂事也者征夫樂此述職之事捷捷然也王

篇引詩作健健每懷靡及皇皇者華傳云每雖懷和靡

及自謂無及也鏘鏘當依釋文作將將○城彼東方傳

即揆下章徂齊爲訓故云東方齊也齊在鎬京之東去

薄姑遷臨菑是即城齊之事而傳又先引古王者遷邑

之制以明其城齊之所由也昭九年左傳武王克商蒲

姑商奄吾東土也服注云蒲姑齊也漢書地理志周成

王時蒲姑氏與四國共作亂成王滅之以封師尚父是

爲大公破斧傳云四國管蔡商奄也此四國外又有薄姑氏其爲作亂成王滅薄姑封尚父齊遂有薄姑之地而都實在臨菑地理志齊郡臨淄師尚父所封臨菑名營丘禮記檀弓云大公封於營丘史記齊世家云武王封師尚父於齊營丘成王時得征伐爲大國都營丘五世至哀公時紀侯譖之周周烹哀公而立其弟靜是爲胡公胡公徙都薄姑而當周夷王之時哀公之同母少弟山怨胡公乃與其黨率營丘人襲攻殺胡公而自立是爲獻公獻公元年盡逐胡公子因徙薄姑都治臨菑案世家言胡公都薄姑至獻公卽都臨菑獻公當周夷王世不當宣王世與毛傳不合孔仲達以爲遷之言未必實是矣哀公旣烹齊或削地故胡公徙薄姑世家云周宣王二年齊獻公子武公壽卒子厲公無忌立厲公暴虐故胡公子復入齊齊人欲立之乃與攻殺厲公胡公子亦戰於齊人乃立厲公子赤爲君是爲文公而誅殺厲公者七十人文公十二年卒子成公脫立成公九年卒子莊公購立武厲文成莊五公皆當宣王世文能定厲之亂其時或有錫命復都臨菑宣王命山甫城齊之事則傳云去薄姑而遷於臨菑者宜在齊文公時然書發有閒矣載疑可也薄菑蒲濩通用薄姑在臨菑北

四牡騤騤八鸞喈喈仲山甫徂齊式適其歸傳騤騤猶

彭彭也喈喈猶鏘鏘也適疾也言周之望仲山甫也吉

甫作誦穆如清風傳清微之風化養萬物者也仲山甫

永懷以慰其心疏桑柔四牡騤騤傳云騤騤不息也北

文騤馬行威儀也引詩曰四牡騤騤箋云彭彭然不得息說

謂之騤騤亦行謂之彭彭不息謂之騤騤亦不息謂之

彭彭是騤騤猶彭彭矣鼓鐘篇一章鼓鐘將將二章鼓

鐘皆鸞聲傳亦云喈喈猶將將也鐘聲謂之將將亦謂之

喈喈鸞聲謂之將將亦謂之喈喈故二傳訓同箋云鏘

鏘鳴聲謂鳴鸞聲也烈祖箋云鸞在鏘四馬則入鸞○

遄訓疾歸歸周也云言周之望仲山甫者庾莩所謂宰

相不得久在外也故望其疾歸耳箋云望之故欲其用

是疾歸鄭亦申成傳也漢書杜欽傳仲山甫異姓之臣

無親於宣就封於齊鄧展以為韓詩隸釋載孟郁堯廟

碑云天生仲山甫翼佐中興宣王平功遂受封于齊又

潛夫論三式篇亦云此言申伯山甫文德致升平而王



封以樂土賜以盛服也竝用韓義而爾雅釋詁篇齊疾也郭璞引詩仲山甫徂齊則訓疾亦本三家或是魯義歟蓋嵩高封申伯故序云建國親侯烝民仲山甫封齊故序云任賢使能一爲外諸侯一爲內諸侯兩詩文義顯然讀詩者往往連文言之韓詩外傳言申伯仲山甫輔相宣王申伯仲山甫竝順天下匡救邪失後漢書張衡傳申伯樊仲實榦周邦又劉陶傳周宣用申甫以濟夷厲之荒皆合兩詩爲說解詩者知仲山甫以樊侯入爲卿士是矣據此申伯亦當以外諸侯而爲卿士知申伯出封於謝邑是矣據此仲山甫亦當就封於齊因又誤以仲山甫謂卽甫侯古甫呂通甫侯卽呂侯則又誤以仲山甫爲出封於漢之南陽郡一誤再誤而不可終極也毛詩所以獨行歟○穆美也穆如猶美然也清風正形容仲山甫之有美德故傳釋清風爲清微之風又申之爲化養萬物者直陳其布政述職之功風動教化之美所以隱括其作誦義也繁露天容篇告之以政令而化風之清微義與此傳同永長懷思慰安也言仲山甫能長思吉甫作誦之意於以安其心

韓奕六章章十二句

韓奕尹吉甫美宣王也能錫命諸侯疏

韓韓侯奕猶奕奕也宣王命韓

侯爲侯伯奕奕然大故詩以韓奕名篇此詩當在六月北伐後而作

奕奕梁山維禹甸之有倬其道韓侯受命傳奕奕大也

甸治也禹治梁山除水災宣王平大亂命諸侯有倬其

道有倬然之道者也受命受命爲侯伯也王親命之繼

戎祖考無廢朕命夙夜匪解虔共爾位傳戎大虔固共

執也朕命不易榦不庭方以佐戎辟傳庭直也疏

說文奕大

也重言之曰奕奕奕奕者篇端美大之詞非謂形容梁山高大書禹貢云壺口治梁及岐此傳訓甸爲治之義

也漢書地理志左馮翊夏陽故少梁禹貢梁山在西北

龍門山在北案梁山在今陝西同州府韓城縣西北即

漢縣夏陽地梁與龍門俱在河面二山比近故禹貢道

河紀至于龍門冀州既載紀治梁梁即呂梁也疏九河

以暢下流之歸而闢龍門鑿呂梁以決上流之勢最爲  
治水急切之功禹隨山道河自東而西由壺口而龍門  
由梁而岐梁山治周都鎬京之北土盡成沃野小雅信  
彼南山維禹甸之終南山在鎬京之南渭北之山既治  
渭南之原隰亦得墾辟成耕一在鎬南之山一在鎬北  
之山兩詩立言義正相同梁山在王畿東北交界處又  
爲韓侯歸國之所經故尹吉甫美宣王錫命韓侯章首  
卽以禹治梁山除水災比況宣王平大亂命諸侯與信  
南山以禹比曾孫成王者其傳意亦正同也鄭箋據漢  
志梁山在夏陽西北而誤以梁山爲韓國之山韓侯爲  
晉所滅之韓近儒能辨韓侯爲近燕之韓復據水經滎  
水注水逕長鄉縣之北界歷梁山南高粱水出焉卽爲  
此詩奕奕梁山之證則又誤梁山爲近燕矣梁山自夏陽  
之梁山韓侯自北國之韓侯解者膠泥一處齟齬難通○  
倬讀爲倬見三有俊心之倬倬傳云有倬然之道也者言  
宣王有知人之明故韓侯受命也釋文引韓詩作倬倬  
卽倬之異體說文倬明也甫田傳倬明兒倬倬聲同莊  
元年穀梁傳禮有受命無來錫命范注云周禮人宗伯  
職曰王命諸侯則擯之是來受命案此卽受命之義傳  
云受命爲侯伯也者周禮九命作伯在外州者稱侯伯

在王官者稱二伯其數則皆九命而侯伯屬二伯者統  
於天子入州入伯韓侯爲侯伯蓋作幽州伯也○戎大  
縣思齊民勞烝民江漢烈文傳竝同祖考謂韓侯之先  
祖也虔固其執竝爾雅釋詁文文選張衡而京賦注引  
韓詩章句云韓正也庭訓直正曲爲直也方四方也韓  
不庭方言四方有不直者則正之侯伯得專征伐也隱  
十年左傳云君子謂鄭莊公於是乎可謂正矣以王命  
討不庭不貪其土以勞王爵正之體也詩義正同戎大  
碑君以佐戎碑猶云以佐天子耳此皆王親命韓侯之辭

四牡奕奕孔脩且張韓侯入覲以其介圭入覲于王傳

脩長張大覲見也王錫韓侯淑旂綬章簠簋鎡衡玄衮

赤舄鉤膺鏤錫鞞鞞淺幘肇革金厄傳淑善也交龍爲

旂綬大綬也鎡衡文衡也鏤錫有金鏤其錫也鞞革也

鞞軾中也淺虎皮淺毛也幘覆式也厄鳥喙也疏奕奕

長大之兒脩長張大猶六月篇之脩廣也故傳訓同觀  
見爾雅釋詁文秋見曰覲因之凡見皆曰覲介圭詳嵩  
高篇覲禮乃朝以瑞玉有纁侯氏入門右坐奠圭再拜  
稽首記曰奠圭于纁上此侯伯則介圭也上言韓侯之  
之來覲下言王所賜車服禮天子賜侯氏以車服迎  
于外門外再拜路先設面上路下四亞之重賜無數在  
車南鄭注引采菽詩云君子來朝何錫予之雖無予之  
路車棄馬又何予之玄衮及黼義與此同○淑善關雖  
同交龍爲旂出車同詳出車篇箋云善旂旂之善色者  
也淑旂旂也綬章旒也出車采芑竝言旂旒央央傳央  
央鮮明兒卽箋所謂善色者也公羊注云加文章曰旂  
釋文綬本又作綬禮記注綬當爲綬讀如冠疑之疑是  
綬爲正字矣今字通作綬綬章連文與六月帛旒連文  
同義旒與旂同章帛皆謂綬也旂旒亦通帛旒旒者以綬  
繫於綬末加爲文章是曰綬章六月傳旂繼旒者也傳  
二十八年左傳旂旒之左旂旒旒旒旒旒旒旒旒旒旒旒  
云大綬卽大旂也周禮又謂之大旒旒旒旒旒旒旒旒旒  
路玉路建大常金路建大旂象路建大赤革路建大白  
木路建大麾案常爲天子之旗大旂交龍爲旂也大赤  
周正色鳥隼爲旗也曲禮行前朱鳥吳語赤旗明堂位

周之大赤是也大赤殷正色熊虎爲旗也少儀大白不入廟門司馬灋旗章殷以虎尚威明堂位殷之大白是也大麾夏正色龜蛇爲旐也爾雅繼廣充幅長尋曰旐緇黑也色檀弓綢練設旐夏也明堂位夏后氏之綏是也旐有不旆者有繼旐者曰旐明堂位之綏卽此詩之綏毛傳以綏爲大綏周禮以綏爲大麾皆有繼旐者也旐綏諸侯發抗小綏綏有大小所以別尊卑亦唯天子諸侯有綏亦可見天子諸侯始有旐也天子大綏用諸田獵與巾車大麾以田合諸侯田用旐也天子大綏命韓侯爲追貉之長故以大綏錫之與巾車大麾以封蕃國合金楊禮箋謂大麾爲旐大綏卽大麾其說良是繼旐說見六月篇○簞第鎡衡此謂路車也鎡衡文衡采芑同詳采芑篇采叔傳云玄衮卷龍也狼跋傳云赤舄人君之盛履也箋云鈎膺樊纓也詳采芑篇有金鏤其錫是曰鏤錫箋眉上曰錫刻金飾之今當盧也巾車注錫馬面當盧桓二年左傳注錫在馬額說文鏤馬頭飾也引詩作鏤玉篇鏤鏤鏤馬面飾錫同上急就篇亦作鏤巾車玉路錫樊纓金路鈎樊纓賈疏云上急就篇下玉路直言錫兼有鈎然則玉路有錫有鈎而金路有兼

鉤無錫此周禮說也詩言封同姓用金路有鉤膺又有  
鏤錫者或以侯伯加歟非玉路賜韓侯也○正義引說  
文亦云韡革也獸皮治去其毛曰革韡與韡同儀禮士  
裘下篇記疏引毛傳韡式與機覆式一例今字通作  
軾說文韡車軾也詩曰韡韡淺機讀若穹韻會作車軾  
中韡與謂韡當作輓輓即今之幫字穹與輓聲義皆相  
近釋名韡因與下輿相聯箸也韡韡者以革幫車式  
所謂韡也小戎作茵又小戎傳云文虎皮此傳釋淺爲  
虎皮淺毛是淺與文同物也釋文機本作箠曲禮素箠  
注或爲箠說文引作犬帶少儀玉藻既夕記皆作箠並  
字異義同先儒謂之覆箠而此云覆式者傳蓋以箠爲  
式上所覆之皮與箠當車前者異物禮記玉藻篇禮不  
盛服不充故大裘不裼棄路車不式不式者無覆式也  
路車無覆式則非路車有覆式可知傳意以此詩淺機  
非路車之制故不以爲覆箠之箠而以覆式之皮言之  
解者直謂式爲箠誤矣覆式曰輓輓者俗稱耳詳小戎  
篇○箠當作箠箠革詳蓼蕭篇厄者衡下之輗說文輗  
輗前也輗輗下曲者澤言之衡輗同體析言之輗爲衡  
下曲輗也衡之長容兩服輗又兩服馬之頸故謂之兩  
輗輗人注衡任謂兩輗之閒是也亦謂之兩輗輗十四

年左傳射兩駒而還服注車軛兩邊又馬頭者是也軛  
本字見假借字今通作厄既夕記今文作厄與詩同傳  
云鳥喙依釋文訂正作鳥喙者誤釋名馬曰鳥喙下向  
又馬頸似鳥開口向下啄物時也小爾雅衡扼也扼上  
者謂之鳥啄扼即觀字啄與喙通金厄謂以金飾鳥喙  
也正義用爾雅厄鳥喙名爲說大謬詩既有簪第又  
有淺幘既有銘衡又有金厄此所謂重賜無數者歟

韓侯出祖出宿于屠傳屠地名也顯父餞之清酒百壺

傳顯父有顯德者也其殽維何炰鼈鮮魚其藪維何維

筍及蒲傳藪菜叢也筍竹也蒲蒲蕸也其贈維何棗馬

路車籩豆有且侯氏燕胥疏肅民云仲山甫出祖仲山

甫詩皆有出祖祭道神之事屠地名無攷說文左馮翊

郃陽縣有郃亭一作郃陽亭許不引詩郃亭非即屠地  
漢郃陽縣去鎬尚遠或謂即韓侯所宿之屠地非是傳  
云顯父有顯德者逸周書成開本典篇竝有顯父登德



之文傳所本也。泉、水、傳、祖、而、舍、載、飲、酒、於、其、側、曰、餞、重、  
始、有、事、於、道、也。出、祖、飲、餞、雖、是、兩、事、總、在、一、時、飲、酒、於、  
其、側、卽、在、行、道、之、旁、祭、畢、而、飲、酒、也。祖、而、舍、載、行、者、之、  
事、飲、酒、乃、送、行、者、之、事、卽、此、清、酒、百、壺、是、也。案、昭、十、六、  
年、左、傳、鄭、六、卿、餞、宣、子、於、郊、此、餞、在、郊、之、明、證、天、子、侯、  
國、宿、餞、遠、近、異、禮、地、官、遺、人、凡、國、野、之、道、十、里、有、廬、廬、  
有、飲、食、三、十、里、有、宿、宿、有、路、路、室、有、委、五、十、里、有、市、  
市、有、候、館、候、館、有、積、鄭、注、云、宿、可、止、宿、若、今、亭、有、室、矣、  
周、禮、之、宿、與、詩、之、出、宿、同、泉、水、篇、言、宿、餞、不、同、地、先、出、  
宿、而、後、飲、餞、侯、伯、近、郊、十、五、里、遠、郊、三、十、里、出、宿、在、近、  
郊、則、飲、餞、自、在、遠、郊、十、五、里、尚、近、在、三、十、里、也、若、王、國、遠、  
郊、百、里、近、郊、五、十、里、此、詩、言、出、宿、于、屠、當、在、近、郊、以、內、  
卽、三、十、里、宿、有、路、室、之、宿、其、飲、餞、自、在、近、郊、五、十、里、故、  
五、十、里、有、候、館、然、則、顯、父、之、餞、韓、侯、必、在、五、十、里、候、館、  
中、矣、嵩、高、申、伯、信、邁、王、餞、于、鄘、鄘、在、岐、周、之、近、郊、亦、明、  
證、也、正、義、云、餞、訖、然、後、出、宿、今、出、宿、之、文、在、飲、餞、之、上、  
者、示、行、不、畱、失、之、○、蔽、作、𦵏、者、非、殺、當、作、肴、賓、之、初、筵、  
傳、云、肴、豆、實、也、魚、鼈、詳、六、月、篇、箋、云、鮮、魚、中、膾、者、也、天、  
官、醢、人、饋、食、加、豆、皆、有、魚、醢、爾、雅、釋、器、菜、謂、之、藪、郭、注、  
云、菜、茹、之、總、名、見、詩、此、釋、詩、之、藪、也、豆、實、有、醢、有、菹、醢、

謂肉菹謂菜傳云菹菜肴正對上肴爲肉肴而言醃人  
加豆之實淡蒲筍菹菹有蒲有筍則菹爲豆實明矣又  
醃人羞豆糝會鄭司農注菜醃蒸賈疏云若今煮菜謂  
之蒸菜也案醃者菹之假借字說文醃鼎實菹豆實許宗  
陳畱謂健爲醫或作醃醫醃同字醫鼎實菹豆實許宗  
毛不應與毛菲異疑惟葦及蒲四字經後人竄改傳云  
筍竹不斲疑竹下有奪字釋文筍又作筍爾雅筍竹萌  
也或今傳筍竹也三字係後人所增而又脫萌字耳醃  
人加豆之實筍菹筍則筍爲大竹矣王風揚之水傳蒲  
言細小也筍爲小竹則筍爲大竹矣王風揚之水傳蒲  
草也此傳釋蒲爲蒲菹謂蒲草之本也醃人加豆之實  
淡蒲醃醃鄭司農注云淡蒲蒲菹入水淡故曰淡蒲齊  
民要術卷九引義疏云蒲淡蒲也周禮以爲菹謂蒲始  
生取其中心入地者菹大如匕柄正白生嫩之甘脆是  
蒲菹與淡蒲一矣考工記輪人鄭注今人謂蒲本在水  
中者爲弱弱與菹通又醃人注謂淡蒲蒲始生水子  
然說文蒲子可以爲平席不云作菹也○嵩高傳贈增  
也箋云贈送也王旣使顯父餞之又使送以車馬所以  
增厚意也人君之車曰路車所駕之馬曰乘馬案鄭不  
言顯父贈者爲人臣者無外交之義也左傳云入有郊

勞出有贈賄且詞也籩豆有且言有籩有豆也凡諸侯  
覲王稱侯氏謂韓侯爲侯氏者此亦君對臣之詞胥皆  
也燕胥皆燕也  
以示君有餘惠

韓侯取妻汾王之甥蹶父之子傳汾大也蹶父卿士也

韓侯迎止于蹶之里傳里邑也百兩彭彭八鸞鏘鏘不

顯其光諸娣從之祁祁如雲韓侯顧之爛其盈門傳祁

祁徐靚也如雲言眾多也諸侯一取九女二國媵之諸

娣眾妾也顧之曲顧道義也疏妻適妻也凡諸侯卽位

篇引韓詩內傳諸侯世子三年薨畢上受爵命於天子

此詩言韓侯受命韓侯入覲則亦薨畢受爵命也文二

年左傳云凡君卽位好舅甥修昏姻娶元妃以奉桑盛

孝也考禮之始也此詩言韓侯取妻韓侯迎止則亦卽

位取元妃也傳訓汾王爲大王者厲王宣王之父故謂

之大王正義引王肅云大王王之尊稱蹶氏父字案蹶

父爲卿士未詳所聞易林井云大夫祈父無地不涉爲  
吾相土莫如韓樂可以居止長安富有三家以詩之蹶  
父蓋任祈父司馬之職歟迎親迎也諸侯親迎在宣王  
時禮尚不廢里邑爾雅釋言文周禮載師以小都之田  
任縣地鄭注云小都卿之采地四百里爲縣蹶父爲土  
卿上當受采地於縣內里其都邑也鵲巢傳百兩百粢  
也諸侯之子嫁於諸侯送御皆百粢載駟傳彭彭多兒  
鏘鏘釋文作將將大明不顯其光傳云顯其光輝義與  
此同○大田傳祁祁爲徐此又益其義云徐說也覲與  
靜同敝笱齊子歸止其從如雲傳如雲言盛也衆多卽  
盛云諸侯一取九女二國媵之者所以申明衆多之意  
春秋成八年衛人來媵九年晉人來媵十年齊人來媵  
左傳以衛晉媵其姬爲禮則齊媵爲非禮公羊傳三國  
來媵非禮也又莊十九年公羊傳媵者何諸侯娶一國  
則二國往媵之以姪娣從姪者何兄之子也娣者何女  
弟也諸侯壹聘九女諸侯不再娶女弟女子今據詩正  
義補公羊亦以二國媵爲禮三國媵爲非禮與左合諸  
侯於所取之國適夫人之外有媵有姪娣二國往送女  
又各有媵有姪娣共九女唯何休注公羊據禮適夫人  
之下但有姪娣左右各有媵有姪娣與漢書五行志劉

向說白虎通義嫁娶篇列女明德馬后傳所云入妾合  
九女中有通與毛傳不同一取九女天子皆然思齊經  
傳可稽也然公羊注列女傳白虎通義載或說及漢書  
王莽傳後漢書荀爽傳皆謂天子一取十二女蔡氏獨  
斷鄭注檀弓以十二女為夏制則入妾宜非周制而漢  
先儒往往襍用異禮不若毛傳之精且核矣九女皆不  
聘故傳釋諸娣為眾妾獨舉娣者娣又為貴妾之統稱  
先釋下句如雲後釋上句諸娣或疑有誤倒○經言顧  
傳云曲顧道義者列女傳齊孝公迎華氏之長女孟姬  
於其父母三顧而出親授之綏自御輪三曲顧姬輿遂  
納於宮白虎通義必親迎御輪三周下車曲顧者防淫  
佚也高誘注淮南汜論云蒼梧繞乃孔子時人以妻美  
好推與其兄於兄則愛矣而違親迎曲顧之義此皆所  
謂曲顧也道義讀如字韓詩外傳云賢者精氣闡溢  
而後傷時不可過也不見道端乃陳情欲以歌道義昭  
二十六年穀梁傳云至自齊道義不外公也至自會道  
義不外公也是  
古有道義之語

蹶父孔武靡國不到為韓姑相攸莫如韓樂傳姑蹶父

姓也孔樂韓土川澤訐訐魴鱣甫甫麀鹿嘆嘆有熊有

熊有貓有虎

**傳**

訐訐大也甫甫然大也嘆嘆然眾也貓

似虎淺毛者也慶既令居韓姑燕譽

**疏**

箋云相視攸所也

爲王使於天下國國皆至爲其女韓侯夫人姑氏視其所居韓國最樂箋與焦延壽易林井合本三家毛意或同也姑黃帝之後十二姓之一傳釋姑爲蹶父姓則韓侯夫人姑姓矣訐大也重言之曰訐訐甫大也重言之曰甫甫易林離云魴鱣訐訐與甫甫聲亦相近釋文嘆本又作慶吉日傳鹿牡曰鹿慶慶眾多也慶字之誤爾雅釋獸虎竊毛謂之蹶貓傳云淺毛竊即淺也說文虎竊毛謂之蹶苗从虎菱聲竊淺也說文無貓字古字本作苗苗爲虎屬似虎而淺毛者別其名曰苗重其名曰蹶苗郊特牲迎貓迎虎貓亦蹶苗也○箋云慶善也蹶父既善韓之國土使韓姑嫁焉而居之韓姑則安之盡其婦道有顯譽案成九年左傳季文子如宋致女復命公享之賦詩者即取慶居燕譽之義也

馬復命而賦詩者

**詩**

卷二十五

五

慶居燕譽之義也

**卷**

五

溥彼韓城燕師所完傳師眾也以先祖受命因時百蠻

王錫韓侯其追其貉奄受北國因以其伯傳韓侯之先

祖武王之子也因時百蠻長是蠻服之百國也追貉戎

狄國也奄撫也實墉實壑實畝實藉傳實墉實壑言高

其城濶其壑也獻其貔皮赤豹黃羆傳貔猛獸也追貉

之國來貢而侯伯總領之疏溥大也韓侯九命作伯改

水注引王肅云今涿郡方城縣有韓侯城世謂之寒號

城非也括地志云方城故城在幽州固安縣南十里今

固安縣在順天府西南則韓城在燕國南矣傳訓師為

眾者燕眾猶云燕人也王肅云燕北燕國漢書地理志

廣陽國薊故燕國召公所封方輿紀要云北直順天府

府治東有薊城古燕都也記曰武王克商封帝堯之後

于薊其後燕并薊地遂都於薊以城而北有薊邱而名

奠案召公封燕以山為名其後併薊當在成王之世武

庚之叛東夷八國竝興成王既誅武庚及八國以奄益  
魯以薄姑益齊以薊益燕三國爲三公故皆得就上公  
之封問方五百里燕之并薊正在于斯時不必疑堯後之  
薊爲黎矣宣王時燕人爲韓築城燕韓皆在周幽州域  
內完者讀如繕完薊牆之完也○傳釋先祖云韓侯之  
先祖武王之子者謂武王之子爲韓侯始封之先祖然  
則韓侯爲武穆矣周有二韓一爲姬姓也是也一爲武  
穆之韓左傳叔侯曰霍楊韓魏皆姬姓也是也一爲武  
穆之韓傳二十四年左傳富辰曰邗晉應韓武之穆也國語  
鄭語史伯曰武王之子應韓不在是也武王克商舉姬  
姓之國四十人則姬姓之韓當受封於武王之世其後  
爲晉所滅以賜大夫韓萬續漢書郡國志河東郡河北  
縣有韓亭卽姬姓韓國地武穆之韓封自成王之世至  
西周之季尚存其國在禹貢冀州之北故得總領追貉  
北國載諸詩篇章章可攷酈道元水經注聖水篇聖水  
東逕方城縣故城又東南逕韓城東詩韓奕章曰溥彼  
韓城燕師所完王錫韓侯其追其貉奄受北國王符潛  
夫論志氏姓篇晉周宣王有韓侯其國也近燕故詩云  
普彼韓城燕師所完又五德志篇韓武之穆也韓姬姓  
也其辨武穆姬姓爲二韓尤足徵信鄭箋以武穆之韓



卽是晉滅姬姓之韓誤合爲一杜注左傳韋注國語皆  
沿其說姬姓韓在河東而後之言與地者梁山在夏陽  
西北遂以今河而韓城縣隋始置者指爲韓侯古城則  
謬之謬也學者不可不辨○以猶用也以先祖受命言  
韓侯先祖亦受命爲周侯伯故用其禮因以策命韓侯  
傳云長是蠻服之百國也者以釋經時百蠻之義時是  
也長讀上聲謂韓侯爲蠻服百國之長蠻服北方之蠻  
服也周禮職方氏王畿之外有九服侯甸男采衛蠻夷  
鎮蕃大行人衛服之外要服九服侯甸男采衛蠻夷  
鄭注要服卽蠻服書康誥言侯甸男采衛蠻夷以內矣禹貢  
四衛木路封蕃國鄭注亦云四衛爲蠻服以內矣禹貢  
五百里要服三百里夷五百里蠻服三百里蠻服夏時甸  
侯綏要荒五服連王畿故夷蠻卽在要荒要服荒服皆  
九州域也周制除王畿外建九服蠻服第六服在九州  
內其夷服鎮服蕃服皆外狄國在九州外易祓云王畿  
千里兩面各五百里自方五百里之侯服至方五百里  
之蕃服每面各二百五十里所異者周官王畿不在九  
服內與禹貢不同其餘弼服盡同胡渭作禹貢錐指從  
易祓說以爲千年不破之疑然則蠻服去王城止二千  
里耳周制王畿以錐邑爲土中五畿五百里每服二百

五十里六服一千五百里連王城二千里今河南府至  
順天府一千八百里韓在順天府南百三四十里古里  
短今里長韓在蠻服道里可稽易祓之說眞足以發毛  
傳之微矣云因時百蠻者從韓本國言也下文云其追  
其貉者命之爲侯伯則夷鎮蕃三服皆韓所總領故也  
○說文貉北方豸種追未聞疑追貉卽穢貉追穢聲相  
近孔晁注逸周書王會篇穢韓穢東夷別種服虔注漢  
書武帝紀穢貉在辰韓北高句麗沃沮之南東窮於大  
海此卽鄭箋所謂追貉爲獬狁所逼稍東遷者歟周  
時追貉在荒服之中故傳云戎狄國也周語云戎狄荒  
服傳訓奄爲撫者爾雅奄撫有也撫與撫通  
奄訓撫又訓有也伯侯伯也箋云實當作寔趙魏之東  
實寔同聲寔是也傳訓壙爲城與皇矣良耜同云溪其  
壑者壑卽池孟子公孫丑篇爲城非不高也池非不溪也  
是其義藉讀藉田之藉箋云藉稅也案此謂燕眾築城  
之事是壙是壑猶高篇云徹申伯土田徹申伯土疆也  
畝是藉猶高篇云徹申伯土田徹申伯土疆也句義  
正同○禮記曲禮篇云徹申伯土田徹申伯土疆也  
亦摯獸也引書曰如虎如貔傳云貔猛獸者猛摯同也  
爾雅貔白狐其子穀此貔爲狸類而陸機義疏貔似虎

一名白狐是以爾雅之貌謂卽詩之貌矣獻猶貢也韓  
侯爲幽州伯在蠻服中雖追貉荒裔皆其統轄故傳云  
追貉之國來貢而侯伯總領之也周語穆王征犬戎得  
四白狼四白鹿自是荒服不至賈達注云白狼白鹿犬  
戎之職貢也此卽荒服貢皮之證與詩義合職方氏云  
凡邦國小大相維王設其牧制其職各以其所能制其  
貢各以其所有

### 江漢六章章八句

江漢尹吉甫美宣王也能興衰撥亂命召公平淮夷疏  
召公召虎也後漢書東夷傳厲王無道淮夷入寇王命  
虢仲征之不克宣王復命召公伐而平之此卽平淮夷  
事宣王承厲王之烈淮夷正彊盛命召虎平淮夷尹吉  
甫作詩以美之江漢之詩是也召虎旣平淮夷遂作詩  
以戒宣王常武之詩是也淮夷不一國而徐爲淮夷之  
大國故於江漢言淮夷而於常武特舉一徐國徐方平  
而淮夷諸國胥平兩詩正是一時事宣王次江漢之  
水厓命將伐東國詩人遂以如江如漢狀武大威武取

江漢命篇達於淮浦亦由江漢而東而北解者據鄭箋  
從江漢循流而下遂誤以魯頌淮夷在淮北而此淮夷  
在淮南以言與地未審矣攷淮夷在禹貢徐州之域東  
及海南至淮其地皆有淮夷周改夏之徐州為青州其  
分界與禹貢同則周之淮夷亦在淮北不在淮南也書  
序云武王崩三監及淮夷叛逸周書作雒篇云二叔及  
般東徐奄及熊盈以略昭元年左傳周有徐奄賈逵杜  
預注並云徐即淮夷徐在淮而尤大故舉其國則曰徐  
舉其地則曰淮夷徐在東故毛傳謂之東國又謂之東  
夷梁誓伯禽之世徂茲淮夷徐戎並興淮夷即東夷徐  
戎為邠戎其時與魯作難之淮夷不知其徐與否也要  
之春秋以前吳楚未興徐最疆大至春秋齊桓公霸諸  
侯東略淮夷之地徐即諸夏故春秋進之遂有次匡救  
徐之師直至魯昭公十三年楚靈王會于申而徐子淮  
夷並書於經後即尋為吳滅  
此淮夷與徐分合之大較也

江漢浮浮武夫滔滔匪安匪遊淮夷來求傳浮浮眾疆

貌滔滔廣大貌淮夷東國在淮浦而夷行也既出我車

既設我旗匪安匪舒淮夷來鋪傳鋪病也疏

江漢浮浮

傳浮浮眾彊兒滔滔廣大兒經傳各本皆誤當作江漢

滔滔武夫浮浮滔滔廣大兒浮浮眾彊兒此因經文錯

誤而又顛倒傳文也江漢滔滔四月篇滔滔江漢彼

傳云滔滔引詩大水兒此傳云廣大兒義正相同風俗通義

山澤篇引詩江漢陶正即此江漢滔滔之異文是其

證角弓雨雪浮浮傳浮浮猶漣漣也清人庶庶武兒碩

人鑣鑣盛兒盛兒謂之鑣鑣猶眾兒謂之浮浮矣武兒

謂之庶庶猶彊兒謂之浮浮矣此浮浮為形容武夫之

眾彊與下章沈沈同義也○余友王引之說同而較詳武

夫猶常武之言虎臣也○遊當作游匪猶不也游敖游

也常武傳云匪紹匪游不敢繼以敖游也東國在淮浦

者即本下篇率彼淮浦截彼淮浦以立言則平淮夷即

是征徐國傳已有明文矣而夷行者淮浦本屬青州而

其行成爲夷俗故謂之淮夷若杞夏餘即東夷近魯

費孔子爲學在四夷杞鄭皆東國而目爲夷淮夷其猶

是也秦不用周禮穀梁秋之此春秋之志也淮夷來求

求讀如左傳固敵是求之求常武二章云率彼淮浦省

此徐土不畱不處三事就緒是其義也○出車設旗即

冢上淮夷來求句常武傳云舒徐也淮夷來鋪鋪讀爲  
痛卷耳傳痛亦病也常武三章云徐方繹騷震驚徐方  
如雷如霆徐方震驚是其義也來皆語詞案此首章正  
言平淮夷之事下二章又從淮夷以極武功之被及四  
也方

江漢湯湯武夫泱泱傳泱泱武貌經營四方告成于王

四方既平王國庶定時靡有爭王心載寧疏載湯大兒

文苑注武邨谷風同爾雅泱泱武也舍人本作潢潢古

武兒竝字異而義同

江漢之許王命召虎傳召虎召穆公也式辟四方徹我

疆土匪疚匪棘王國來極于疆于理至于南海疏許水

漢之水厓即周南國之地召虎召穆公正義引世本云

穆公是康公之十六世孫穆公諫弭禍在厲王時已在



張揖字詒云徇今巡則稚讓讀作巡也宣讀四方于宣  
之宣鴻雁傳宣示也來句來宣言徧示功德於四方也  
來亦語詞此二句承上章而言下文皆敘功成勞來之  
事○傳嫌召公與序召公一人故召召虎爲召穆公而召  
公爲召康公也箋云召康公名爽召虎之始祖也白虎  
通義王者不臣篇禮服傳曰子得爲父臣者不遺善之  
義也詩云文武受命召公維翰召公文王子也班亦以  
召公爲召康公其云文王子當從魯詩說翰讀維周之  
翰之翰嵩高傳翰餘也○似訓嗣嗣猶繼也韓詩外傳  
傳曰予小子使爾繼邵公之後受命者必以其祖命之  
韓意釋詩予小子爲宣王自謂毛意亦然也無曰予小  
子召公是似言爾無以予小子之故惟爾祖召公之是  
嗣也甘棠序召伯之教明於南國穆公能疆理南海卽  
是嗣康公之事正義云肇謀戎大公事皆釋詁文孔安  
國論語注云敬行之疾也地官師氏三德有敬德是敬  
爲識解之疾也釋文肇韓詩云長也毛韓訓異意同後  
漢書宋弘傳注引詩傳作功功與公通用錫  
爾社祉福也卽下章所云錫山土田是也

釐爾圭瓚秬鬯一卣告于文人傳釐賜也秬黑黍也鬯



香草也築煮合而鬱之曰鬯卣器也九命錫圭瓚秬鬯

文人文德之人也錫山土田于周受命自召祖命傳諸

侯有大功德賜之名山土田附庸虎拜稽首天子萬年

疏烈祖傳賚賜也釐與賚通圭瓚以玉爲之詳旱鹿篇

秬黑黍生民同鬯香草正義引禮緯有秬鬯之草中

申釋鬯字之義築煮謂鬱草合謂黑黍言築煮鬱草又

合黑黍釀作酒是曰鬯也鬯必兼鬱謂鬱積而條暢也

周禮鬯人共秬鬯不及鬱而鬱人和鬱鬯不及秬不得

謂鬱鬯之鬯不合秬卽不得謂秬鬯之鬯不和鬱矣鄭

司農鬯人注鬯香草肆師及果築鬯注築煮築香草煮

以爲鬯說文鬯黑黍也一稗二米以釀或从禾作秬鬯

以鬯釀鬱艸芬芳攸服以降神也先鄭及許竝治毛詩

同毛義白虎通義攷黜篇秬者黑黍一稗二米鬯者以

百艸之香鬱金合而釀之成爲鬯班亦與毛不異鄭康

成泥周人鬯鬱分官以爲和香草者爲鬱鬯不和者爲

秬鬯恐非是鬱人賈疏引王度記云天子以鬯諸侯以

薰大夫以蘭芝士以薰庶人以艾此等皆以和酒諸侯  
以薰謂未得圭瓚之賜得賜則以鬱耳王度記天子以  
鬯及禮緯云鬯草生庭皆是鬱金之草以其和鬯酒因  
號爲鬯草也賈說得之鬯器爾雅釋器文李巡注云鬯  
鬯之器也釋文曰本或作攸鬯人廟用脩鄭司農注脩  
器名案曰卽鹵之隸變說文鹵讀若調攸脩調鹵同尤  
幽部書文侯之命用賚爾瓚瓚一卽與詩同旱鹿傳亦云九年  
襄王賜晉文公瓚瓚一卽與詩同旱鹿傳亦云九年  
然後錫以瓚瓚圭瓚韓詩外傳傳曰諸侯之有德天子  
錫之一錫車馬再錫衣服三錫虎賁四錫樂器五錫納  
陞六錫朱戶七錫弓矢八錫鈇鉞九錫秬鬯引詩曰釐  
爾圭瓚秬鬯一卽韓義同○文人卽下文召祖對召虎  
則稱召公爲召祖對文武則稱召公爲文人清廟濟濟  
多士秉文之德傳亦云執文德之人凡爲文文武楨榦之  
臣者皆可謂文德之人也末章云矢其文德治此四國  
亦謂召康公有文德以輔佐文武而召穆公作成之傳  
以文德之人釋文人其義瞭然矣文侯之命追孝于前  
文人亦與詩文人同又書雜誥篇仲來毖殷乃命寧子  
以秬鬯二卽曰明禋拜手稽首休享予不敢宿則禋于  
文王武王案秬鬯二卽一以告文王一以告武王也詩

言租地一亩耳但告始祖廟不得徧告羣廟○王制云凡四海之內九州名山大澤不以封其餘以爲附庸閒田又云天子之縣內名山大澤不以封其餘以祿士以爲閒田是則名山大澤附庸閒田皆不以封諸侯諸侯有大功德則賜之以山澤閒田召穆公畿內無附庸于東錫之山川土田附庸是也土田卽閒田畿內無附庸有大功德則亦賜之以山澤閒田召穆公畿內諸侯故詩但錫土田不及附庸傳每引成文往往連類及之而於經實無當也正義謂土田卽附庸注龍席其非矣一說正義云定本集注毛傳皆有附庸二字則本固有無此二字者矣傳承經義言名山不及大澤因召在岐山之陽不及大河也則傳非全引成文可知兩說皆足以明經傳姑具存焉箋云周岐周也自用也宣王欲尊顯召虎故如岐周使虎受山川土田之賜命用其祖召康公受封之禮岐周周之所起爲其先祖之靈故就之拜稽首者受王命策書也臣受恩無可以報謝者稱言使君壽考而已

虎拜稽首對揚王休作召公考天子萬壽明明天子令

疏

禮記

祭統篇惛拜稽首曰對揚以辟之鄭注亦云對遂也義與傳同考訓成作召公考謂虎能爲召公成王休故事也箋云休美作爲也虎旣拜而荅王策命之時稱揚王之德美君臣之言空相成也王命召虎用召祖命故虎對王亦爲召康公受王命之時對成王命之辭謂如其所言也如其所言者天子萬壽以下是也○詩述聞云明勉一聲之轉故古多謂勉爲明重言之則曰明明爾雅曰疊疊勉也鄭注禮器曰疊疊猶勉勉也疊疊勉勉明明亦一聲之轉明明天子令聞不已猶言疊疊文王令聞不已也漢書楊惲傳明明求仁義明明求財利董仲舒傳明明作皇皇是其證也聞舊本書鈔帝王部七引詩作問矢弛釋詁文弛各本作施唯宋本作弛是也矢其文德禮記孔子閒居繁露竹林引詩弛其文德此卽矢弛同字之理弛與施聲通而義自別弛者寬緩施者敷陳若上句矢其文德作施字解則與洽此四國洽字義複禮記云張而不弛文武弗能也弛而不張文武弗爲也一張一弛文武之道也此卽詩弛字之義洽讀爲協孔子閒居引詩作協洽協同聲

常武六章章八句

常武召穆公美宣王也有常德以立武事因以爲戒然

赫赫明明王命卿士南仲大祖大師皇父整我六師以

脩我戎傳赫赫然盛也明明然察也王命南仲於大祖

皇父爲大師既敬既戒惠此南國疏赫赫然盛明明然

興強盛察者謂有知人之明察也王命卿士南仲大祖

傳云王命南仲於大祖言王於大祖廟命南仲爲卿士

也宣王時召虎爲卿士今命虎平淮夷故特命南仲爲

卿士若春秋時有左卿士右卿士居二伯之職者也白

虎通義爵篇封諸侯於廟者示不自專也明法度皆祖

之制也舉事必告焉詩云王命卿士南仲大祖禮祭統

曰古者明君爵有德必於大廟君降立於阼階南南向

所命北面史由君右執策命之毛魯義同大師皇父傳

云皇父爲大師言王命此皇父爲大師亦必於大祖廟

也王制有發則命大司徒敎士以車甲鄭注云乘兵車

衣甲之儀有發謂有軍師發卒是皇父爲大司徒而兼  
大師也箋云大師者公兼官也周人以后稷爲大祖大  
祖廟卽大廟二昭二穆咸在焉此謂在鎬都時○六師  
六軍瞻彼洛矣棧樸傳皆云六師天子六軍周禮大司  
馬凡制軍王六軍鄭司農注卽引此詩六軍軍賦之大  
數其調發之制不必六軍盡出大師皇父整我六師以  
脩我戎言王命皇父整軍習戎也六月傳云先敎戰然  
後用師至用師命將則程伯休父爲大司馬也周禮注  
引詩敬作儆宣王旣於鎬都蒐軍實乃移師  
次於江漢之許故云旣敬旣戒惠此南國也

王謂尹氏命程伯休父左右陳行戒我師旅率彼淮浦

省此徐土傳尹氏掌命卿士程伯休父始命爲大司馬

浦厓也不畱不處三事就緒傳誅其君弔其民爲之立

三有事之臣疏傳云尹氏掌命卿士者尹氏爲掌命卿

皆稱氏矣書大誥篇肆予告我友邦君越尹氏庶士御  
事義爾邦君越爾多士尹氏御事孔疏云尹氏卽官也

逸周書和寤武寤篇尹氏八士卽周禮序官大史小史  
中士八人也左傳尹氏以官爲族而與尹氏爲大史者  
不同解之者概以尹氏爲周世族大夫失之矣命程伯  
休父傳云程伯休父始命爲大司馬者楚語重黎氏世  
敘天地而別其分主者也其狂周程伯休父其後也當  
宣王時失其官守而爲司馬氏此傳所本也續漢書郡  
國志雒陽有上程聚古程伯休父之國家上篇云江漢  
之許王命召虎其時宣王次於江漢之水上命召穆公  
爲大將又命程伯休父爲大司馬上篇爲吉甫作詩故  
篇中敘召穆公此篇爲召穆公作詩故篇中止敘程伯  
休父皆指平淮夷之事天子出師軍帥非一人也大司  
馬之職乃陳車徒如戰之陳皆坐羣吏聽誓于陳前斬  
牲以左右徇陳曰不用命者斬之又云若大師則掌其  
戒令鄭注云大師王出征伐也此皆大司馬之事與詩  
義合○說文浦瀕也瀕水厓人所賓附也瀕亦厓左傳  
荒浦肅浦浦皆厓也海內東經淮水入海淮浦北水經  
淮水東至廣陵淮浦縣入於海淮浦縣屬臨淮郡今  
淮安府安東縣淮浦水經縣南入海卽漢淮浦縣也詩之  
淮浦未卽漢之淮浦凡旁淮之厓皆謂淮浦非卽入海  
處率循也循淮水之厓而省視餘土則淮浦猶在徐之

志臨淮郡徐故國盈姓杜注傳三年左傳徐國在邳  
僮縣東南華亭姚培謙云括地志徐城縣西四十里有  
大徐城卽古徐國也今江南鳳陽府泗州北八十里  
古徐城相傳爲徐偃王築索周禮職方氏正東青州其  
川淮泗海內東經泗水入淮陰北水經淮水東北至下  
邳卽泗水矣徐臨淮水卽於夷蠻上篇言淮夷徐亦與  
勇徐爲淮夷之大國故此篇特揭明之爾雅云省察也  
淮浦在徐之境故云徐土也○畱古劉字武傳云劉般  
也處猶安止也傳意以誅其君釋經之畱弔其民釋經  
之處兩不字皆發聲也十月之交傳擇三有事有司國  
之三卿與此三事同大國三卿皆命於天子故云爲之  
立三有事之臣也閭宮傳緒業也就業者謂三卿皆有  
職司於王室故也王制巡守之禮革制度衣服者爲畔  
畔者君討鄭注云討誅也蓋其時徐僭號稱王宣王次  
江漢水上本是省方興伐  
之事爲此誓戒豫告與

赫赫業業有嚴天子王舒保作匪紹匪遊傳赫赫然盛



也業業然動也嚴然而威舒徐也保安也匪紹匪遊不敢繼以敖遊也徐方釋騷傳釋陳騷動也震驚徐方如

雷如霆徐方震驚

疏

赫赫然盛傳已見首章首章命將出師此則用兵誅亂故兩云赫赫

以別言之盛者謂軍容之盛業業然動動謂動作也有嚴天子嚴然天子也有發聲六月傳訓嚴為威與此嚴同周語云夫兵戢而時動動則威即其義也上篇云匪安匪游淮夷來求匪安匪舒淮夷來鋪傳鋪病也案兩詩文義正同舒徐聲義相近故傳訓舒為徐此舒字即上篇匪舒之舒遊當作游游字即上篇匪游之游傳訓保為安者亦即本上篇兩安字作訓也爾雅紹繼也云不敢繼以敖遊也者上匪字與不同義則下匪字為語助耳宣王次江漢水上故云王舒保作也於江漢水上命召穆公出師故云匪紹匪游也下文即言淮夷告病之事○傳訓釋為陳與車攻賁訓同義別陳讀為軍陳之陳陳古陳字說文陳列也門下云讀若軍陳之陳騷動爾雅釋詁文說文怪動也騷怪聲同動讀如上軍未動之動其時宣王已命將行師至于淮浦徐國必有敢

拒大邦者徐方釋騷言未戰而徐方之軍陳已動亂失  
次矣下文卽承釋騷之義而申言之震驚徐方如雷如  
霆言王旅之震驚徐方如雷如霆也徐方  
震驚言徐方見王旅之眾盛而震驚也

王奮厥武如震如怒進厥虎臣闕如虢虎傳虎之自怒

虢然鋪敦淮漬仍執醜虜傳漬厓仍就虜服也截彼淮

浦王師之所傳截治也疏武卽序所謂武事也如震如

箋作而而震而怒而震怒也武釋文一本兩如字皆作而

動怒也震怒連文皇矣云王赫斯怒爰整其旅文義相

同進猶先也虎臣卽虎賁氏啓行之元戎也說見六月

篇說文虢虎鳴虢虎聲風俗通義正失篇引詩作哮虎

虢虢哮哮三字聲竝相近闕與眈同闕如闕然也如卽然

也傳云自怒與版之自恣抑之自角蕩之自伐同自古  
詁字說文詁膽氣滿聲在人上从言自聲讀若反目相  
昧荒內切○鋪釋文引韓詩作敷云大也敦讀如左傳  
敦陳整旅之敦韓詩云敦迫也箋敦當作屯文選楊雄  
甘泉賦敦敦萬騎於中營兮方玉車之千乘李注云敦與

屯同引王逸楚辭注屯陳也義竝相近說文漬水厓也  
汝墳正義引此詩作淮墳廣雅墳厓也漬與墳通爾雅  
仍因也說文因就也仍因皆可訓就說文母部虜獲也  
服與獲同意服威服也仍執醜虜言就其釋騷震驚執  
其醜眾而威服之也云  
截治者言平治之也

王旅嘽嘽如飛如翰如江如漢如山之苞如川之流傳

嘽嘽然盛也疾如飛擊如翰苞本也縣縣翼翼不測不

克濯征徐國傳縣縣靚也翼翼敬也濯大也疏說文單

叩卑叩亦聲叩讀若謹故從單聲字皆有盛大之義采

芑傳嘽嘽眾也眾盛義相近如飛傳云疾如飛如翰傳

云擊如輪擊與驚同如江如漢偕江漢之廣大以形其

軍容之強盛亦前篇之意也苞訓本本猶基也箋云其

行疾自發舉如鳥之飛也翰其中豪俊也江漢以喻盛  
大也山本以喻不可驚動也川流以喻不可禦也○釋  
文縣縣韓詩作民民大戴禮勸學篇無縣縣之事者無  
赫赫之功縣縣荀子作恨恨說文縣縣不見也段注云

縣縣民民皆謂密也卽焉焉不見之意傳云覲者覲與  
靜同爾雅密靜也翼翼敬者謂諸臣持事能敬也文王  
傳翼翼恭敬也與此同不測不克不語詞謂深測攻克  
也濯大文王有聲同箋云旣服淮浦矣今又以大征徐  
國言必勝也案鄭說非也鄭分伐淮夷伐徐爲兩事不  
知淮夷之國徐爲大伐淮夷卽是伐徐二章云率彼淮  
浦其下卽云省此徐土三章三言徐方四章言淮濱又  
言淮浦其時徐國必有興師禦兵於淮浦者淮浦之禦  
兵旣已敗散至此則大  
征徐國入其國都爾

王猶允塞徐方旣來傳猶謀也徐方旣同天子之功四

方旣平徐方來庭傳來王庭也徐方不回王曰還歸疏

爾雅猷謀也猷與猶同謀當讀如春秋傳謀元帥謀東  
略之謀此蓋承上章言之其命將帥也其動眾之威也  
其行軍之敬也皆出王謀也燕燕傳云塞實也鄭注考  
靈耀云道德純備謂之塞漢書嚴助傳引詩曰王猶允  
塞徐方旣來言王道甚大而遠方懷之也三家詩王猶  
爲王道與毛不異荀子君道議兵及韓詩外傳引詩竝

義相同○傳釋來庭爲來王庭者以言徐方之朝正於王也箋云回猶違也還歸振旅也蓋宣王既北伐獫狁南伐荆蠻然後興師東服大伐淮徐徐在穆王時偕號稱王其負固不服已非一日至徐方來于王庭則四方既平也上篇云經營四方告成于王四方既平王國庶定文義正同房喬晉書庾粲傳古者三公坐而論道不以方任嬰之惟周室大壞宣王中興四夷交侵救急朝夕然後命召穆公征淮夷詩云徐方不回王曰還歸宰相不得久在外也柳宗元獻平淮夷雅亦云周宣王時稱中興平淮夷則江漢常武晉唐人二詩爲一時事當是古說如此

瞻卬七章三章章十句四章章八句

瞻卬凡伯刺幽王大壞也疏瞻卬召旻皆凡伯刺幽王詩與刺厲王不是一人蓋

畿內之伯世爲王官若鄭武公莊公相繼爲卿士也

瞻卬昊天則不我惠孔填不寧降此大厲傳昊天席王

也填久屬惡也邦靡有定士民其瘵蠹賊蠹疾靡有夷  
屆罪罟不收靡有夷瘵傳瘵病夷常也罪罟設罪以爲  
罟瘵愈也疏昊天席王桑柔同惠愛也填久桑柔同屬  
蠹疾與召旻蠹賊內訌義同夷常皇矣同屆極也小明  
傳罟網也此云罪罟設罪以爲罟者言設置刑罪而羅  
致之如罟網之設也召旻天降罪罟義竝同瘵愈風雨  
同箋云天下騷擾邦國無有安定者士卒與民皆勞病  
其爲殘酷痛病於民如蠹賊之害禾稼然爲之無常亦  
無止息時施刑罪以羅網天下而不收斂爲之亦無常  
無止息時此目王所下大惡案極愈竝有  
止已之義故箋以無止息時申成傳也

人有土田女反有之人有民人女覆奪之此空無罪女

反收之彼空有罪女覆說之傳收拘收也說赦也疏爾

土田也是田亦土也覆亦反也雨無正桑柔傳竝云覆  
反也云收拘收也者謂拘執而收入之也後漢書劉瑜

傳瑜曰人無罪而覆入之三家詩以反收為覆入與毛詩訓同說與釋古字相通故傳訓說為赦後漢書王符傳潛夫論述赦篇引詩文反脫之是三家詩覆作反也

哲夫成城哲婦傾城傳哲知也懿厥哲婦為梟為鴟婦

有長舌維厲之階亂匪降自天生自婦人匪教匪誨時

維婦寺傳寺近也疏哲知釋言文今字通作智郊特牲

人者也今婦曰哲婦婦不從人從人者也夫也者以知帥之敗恆必由之晏子諫上篇引詩而釋之云今君不思成城之求而惟傾城之務國之亡日至矣哲婦靡廢也傾城喻亂國也○烝民傳懿美也謂褒姒美而不德說文梟不孝鳥也雖雖也猶文作鴟凡鴟類甚多說文於舊下云雖舊或作鴟此即爾雅怪鴟也李善注文選演連珠引淮南子主術篇云鴟夜撮蚤察分衆木盡出瞋目而不見丘山高誘曰鴟鴟謂之老菟莊子秋水篇作鴟鴞是鴟一名鴟鴞也箋梟鴟惡聲之鳥與四月傳驚萬貪殘之鳥句法相同梟鴟二鳥名亦作鴟梟史記

賈誼傳鸞鳳伏竄兮鵲巢翔翔是也詩人以梟鳴喻褒  
如箋云長舌喻多言語大戴禮本命篇婦有七去口多  
言爲其離親也盧注卽引此詩桑柔誰生厲階傳云厲  
惡也義與此同寺古文侍傳云近者言曜近也論語云  
唯女子與小人爲難  
養也近之則不孫

鞠人忮忒譖始竟背傳忮害忒變也豈曰不極伊胡爲

慝如賈三倍君子是識婦無公事休其蠶織傳休息也

婦人無與外政雖王后猶以蠶織爲事古者天子爲藉  
千畝冕而朱紘躬秉耒諸侯爲藉百畝冕而青紘躬秉  
耒以事天地山川社稷先古敬之至也天子諸侯必有  
公桑蠶室近川而爲之築宮仞有三尺棘牆而外閉之  
及大昕之朝君皮弁素積卜三宮之夫人世婦之吉者



使入蠶于蠶室奉種浴于川桑于公桑風戾以會之歲  
既單矣世婦卒蠶奉繭以示于君遂獻繭于夫人夫人  
曰此所以爲君服與遂副禕而受之少牢以禮之及良  
日后夫人纁三盆手遂布于三宮夫人世婦之吉者使  
纁遂朱綠之玄黃之以爲黼黻文章服既成矣君服之

以祀先王先公敬之至也

**疏**

說文籀窮治罪人也今字  
通作鞠伎害雄雉同說文

玉篇人部引詩作伎伎聲同閼宮箋忒變也本傳訓  
也害變者謂殘害變亂也諧譏言也背猶違也諧始竟  
背與巧言諧始既涵句法相同極至也至猶善也胡何  
也慝惡也言窮治罪人殘害變亂數進譏言始終違背  
所謂慝也豈曰不極伊胡爲慝言人豈不欲善何爲作  
惡若此也曰伊皆語詞○易說卦傳爲近利市三倍管  
子小閼篇桓公曰來工若何管子對曰三倍不遠千里  
與詩三倍同箋云識知也賈物而有三倍之利者小人

所宜知也君子反知之非其宜也休息釋詁文荀子大略篇云君子息焉小人休焉是休息義同也傳云婦人無與外事政雖王后猶以蠶織為事者事即經之事字蠶織為事即公事也無與外事此傳申說經義非以釋經之無公事也玩傳中雖字猶以字其意可見箋云今婦人休其蠶桑織紉之職而與朝廷之事亦是補明經義以申傳說也列女傳母儀篇引詩曰婦無公事休其蠶織言婦人以織績為公事者也休之非禮也毛與三家初無二意也古者以下皆禮記祭義篇文傳引之以明婦以蠶織為公事之義言王后者所以刺褒姒也又類及天子藉田者所以兼刺幽王之不識公事也

天何以刺何神不富舍爾介狄維予胥忌傳刺責富福

狄遠忌怨也不弔不祥威儀不類人之云亡邦國殄瘁

傳類善殄盡瘁病也疏天亦辟王也與下章天之降罔

故傳云刺責也責者責求備人也今隸變作責富福皆從畱聲郊特性云富也者福也何神不富可神而弗福

我乎言王之慢神也爾猶此也狄讀為湯抑傳湯遠也說文遯遠也古文作湯易渙上九渙其血去遯出无咎象傳云渙其血遠害也是遯湯皆遠也抑作湯者仍古文此及泮水作狄者用古文假借說文忌憎惡也與怨義相近正義云毛讀狄為遯故為遠也則介當訓為大不得與箋同也忌者相憎怨之言故以忌為怨也王肅云舍爾大道遠慮反與我賢者怨乎案正義依王申傳蓋揆下文人之云云邦國殄瘁故以經之予字為我賢者傳意當然也○弔祥皆善也類善皇矣既醉桑柔同人善人也殄瘁釋詁文瘁病雨無正同漢書王莽傳引詩作邦國殄瘁與瘁同北山或盡瘁事國傳云盡力勞病彼傳以盡瘁平列則此詩殄瘁亦平列襄二十六年左傳引詩釋之云無善人之謂也

天之降罔維其優矣傳優渥也人之云云心之憂矣天

之降罔維其幾矣傳幾危也人之云云心之悲矣疏罔

網字天之降罔猶言天降罪罟耳優讀為漫此假借字也說文漫澤多也引詩既漫既渥今信南山詩亦假借

作優云渥者簡兮傳渥厚也幾危  
釋詁文說文幾始也危始義相近

齊沸檻泉維其渙矣心之憂矣寧自今矣不自我先不

自我後藐藐昊天無不克鞏傳藐藐大貌鞏固也無忝

皇祖式救爾後疏采叔傳云齊沸泉出兒檻泉正出也

猶胡也言我心之憂胡不自我之先後而自今也正月  
云父母生我胡俾我瘵不自我先不自我後文義正同  
傳云藐藐大兒兒釋文作也箋藐藐美也藐訓美又訓  
大義相近也方言藐廣也郭注云藐藐曠遠貌也藐同  
慙鞏固釋詁文小宛傳云忝辱也皇祖謂文武也後謂  
今也列女傳仁智篇引詩无忝爾祖式救爾訛與毛詩  
異

### 召旻七章四章章五句三章章七句

召旻凡伯刺幽王大壞也旻閔也閔天下無如召公之

臣也

旻天疾威天篤降喪殄我饑饉民卒流亡我居圉卒荒

**傳** 圉坐也 **疏** 旻天席王也旻天疾威猶疾威上帝耳蕩

殄病也圉坐桑柔同爾雅果不孰為荒荒亦饑饉也韓

詩外傳云一穀不升謂之饑二穀不升謂之饑三穀不

升謂之饑四穀不升謂之荒五穀不升謂之大侵大侵

之禮君食不兼味臺榭不飾道路不除百官補而不制

鬼神禱而不祠此大侵之禮也詩曰

我居御卒荒此之謂也御與圉通

天降罪罟蠹賊內訌 **傳** 訌潰也昏極靡共潰潰回適實

靖夷我邦 **傳** 極大極也潰潰亂也靖謀夷平也 **疏** **傳** 云

潰者亂也說文訌讀也詩曰蠹賊內訌讀中止也潰與

讀同中止猶言內潰也箋云訌爭訟相陷入之言也玉

篇爭作諍諍訟陷入亦是內潰之意訌抑篇假借作虹

字昏僅昏也傳以大極釋極正月篇天大是極大極者

殘害侵削之謂合二字成義但正月言天故傳以大屬君而厥屬在位者語雖分釋而義實合解也此云大厥自當專指在位者而言靡不也不共言不共職事也文選文賦注引韓詩薛君章句云靡好也疑卽此靡其之義或爲烈文封靡義者非也○說文憤亂也潰與憤同說文禍下引爾雅禍禍禍段注引潛夫論云何何潰潰蓋用爾雅文是潰又通作潰也小旻傳云回邪適辟也傳訓靖夷爲謀平夷當讀如左傳芟夷蕞崇之之夷箋云皆謀夷滅滅王之國廣雅夷滅也

皋皋訛訛曾不知其玷傳皋皋頑不知道也訛訛窳不

供事也兢兢業業孔填不寧我位孔貶傳貶隊也疏皋

卑之省說文嗶嗶也譚長作猱周禮大祝來瞽令皋舞鄭注云皋讀爲卒嗶呼之嗶此皋嗶聲通之證爾雅皋皋刺素食也頑不知道者卽是素食之事左傳云心不則德義之經爲頑嗶與頑義相近也爾雅訛訛莫供職也傳用雅訓而又益其義云窳者爾雅窳勞也郭注云勞苦者多情窳小旻傳訛訛然不思稱乎上是卽情窳

之意也亦即其供職之事也二傳辭異而意同說文云  
此竄也識與此同正義云竄字從一音眠今說文收入  
尤部未審仲達所據也抑傳云玷缺也缺與闕通○雲  
漢兢兢業業傳云兢兢恐也業業危也瞻印孔填不寧  
傳云填久也說文貶損也早傾覆也杜林說以為貶損  
之貶隊者傾覆之意我位孔貶言我王之位甚矣其隊  
也十月之交傳云高岸為谷  
溪谷為陵言易位也是其義

如彼歲旱草不潰茂如彼棲苴傳潰遂也苴水中浮草

也我相此邦無不潰止疏潰遂小旻同遂猶成也就也

兒箋易字而與傳無二義也靈樞經癰疽篇草蘆不成  
廣雅蘆草也蘆與苴同傳云水中浮草但釋經苴字不  
釋棲字箋如樹上之棲苴以申補傳楚辭九章草苴比  
而不芳王注云生曰草枯曰苴是其義正義謂苴棲水  
上棲有浮義失傳之惜矣○相視也潰亂也止語詞箋  
云無不亂者言皆亂也春秋傳曰國亂曰潰邑亂曰叛  
維笱之富不如時傳往者富仁賢今也富讒佞維今之

之朝作蕩詩凡伯作版詩詩云老夫灌灌又云匪我言  
耄則厲王時之凡伯已爲耆舊老臣厲王流彘召穆公  
有立宣王之大功而凡伯之後亦世入爲王官至幽王  
之末年政又大壞宣幽之際皆其所見所聞者故慨念  
管宣之盛今幽之衰  
乃作此詩以刺之

卷二十五終